

大寶積經

字

C40
4514
28



C40-4514

丁翁上座請大藏及有
家書置之武州紫雲山
我微笑塔院度府中求
為學者不敢許出院內
富山二世鐵牛機謹誌



B 64853

大寶積經卷第一百一十一
唐三藏法師菩提流志奉詔譯
淨信童女會第四十
如是我聞一時佛在舍衛國祇樹給孤獨園與大比
丘衆五百人俱菩薩摩訶薩八千人一切皆是衆所
知識得陀羅尼辯才無礙具足諸忍降伏魔怨逮諸
如來所得之法其名曰持世菩薩持道菩薩持地菩
薩持大地菩薩樂慧菩薩令信樂菩薩妙色莊嚴菩
薩寶焰菩薩寶幢菩薩寶思菩薩寶處菩薩寶慧菩
薩寶德菩薩寶光菩薩復有賢劫諸菩薩等彌勒菩

薩而爲上首復有六十無等喻心諸菩薩等文殊師
利而爲上首復有十六大士賢護菩薩而爲上首復
有二萬兜率天子俱在會中是時世尊處大莊嚴藏
師子之座無量百千大衆圍遶光明照曜猶如日月
威德殊勝如釋梵王高出衆表如須彌山光焰猛盛
猶大火炬顧視安詳如大象王說法無畏如師子吼
蓋諸大衆如羅睺羅王相好莊嚴威光熾盛出梵音
聲徧滿三千大千世界爲欲覺悟一切衆生普令安
住決定勝義於大衆中而演說法時波斯匿王所生
愛女名曰淨信年在幼稚顏貌端嚴爲諸衆生之所
遶三匝却住一面卽於佛前而說偈言

樂見宿值善本修習大乘與五百童女前後圍遶各
持金鬟出舍衛城詣祇陀林至如來所頂禮佛足右
遶三匝却住一面卽於佛前而說偈言

久積福善清淨業 滿足無邊功德海

令衆信樂皆歡喜 故我頂禮牟尼尊

顯現威光相奇特 開示法門衆寶處

身光一尋常照曜 我禮大慧清涼池

功德大樹福無盡 人中最尊世所讚

本願戒行已圓滿 故我頂禮應供尊

安住妙法常寂然 等心世間如一子

智慧善巧知諸行

示平坦路如導師

若有堅固勇進者

慈悲利益衆生類

如是菩薩正修行

惟願如來爲宣說

云何當得堅固力

安住生死降魔衆

云何當得平等法

云何成熟諸衆生

云何如地如虛空

如風如水亦如火

云何得信住於法

如彼須彌師子王

云何遠離憎愛心

淨意質直無諛詭

云何出生施戒忍

精進禪定及解脫

智慧破諸煩惱闇

而常安住大方便

三昧總持無礙辯

住四無量五神通

云何得在諸佛前

常受化生知宿命

頭陀無諍住蘭若

調伏其心滅煩惱

持戒修習菩提道

證甘露滅降魔怨

施衆安樂轉法輪

如是正道願宣說

爾時世尊告淨信童女言菩薩若能成就八力於生死中堅固勇猛而無疲倦何等爲八一志樂力無諂詎故二勝解力離諸惡故三加行力常修善故四淨信力深信業報故五菩提心力不求小乘故六大慈力不害衆生故七大悲力堪忍諸惡故八善友力時

時警覺故童女是名八力菩薩成就如是力故堅固
勇猛於生死中無所染著爾時世尊重說偈言
志樂勇猛 離諸詭詐 常行質直
正趣菩提 以勝解力 遠離衆惡
純修善行 住於正勤 加行具足
恒善觀察 精進堅固 安樂衆生
淨信力故 了知業報 信於佛智
攝受世間 菩提心力 遠離小乘
不斷佛種 安住法性 大慈力故
等觀衆生 無愛無憎 不生恚害
大悲力故 堪忍衆惡 不染生死
亦無疲厭 以善友力 常相警悟
心不退沒 安住菩提 彼勇進者
得是八力 當坐道場 破諸魔衆

復次童女菩薩成就八種法故住於平等何等爲八
一者一切衆生平等本無我故二者一切法平等諸
法寂靜故三者一切刹平等入空界故四者一切智
平等平等說法故五者一切行平等因緣無性故六
者一切乘平等無爲故七者心平等心如幻故八
者諸魔平等煩惱爲先不可得故是爲八法住於平

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

等爾時世尊重說偈言

衆生本無我

念念不可得

住於平等者

應當如是觀

一切法平等

本性常空寂

文字有分別

諸法本無差

十方諸刹土

邊際不可得

其性如虛空

佛國常平等

三世諸如來

住法界平等

無邊智解脫

佛佛皆如是

衆生本緣起

一切皆平等

善知其所行

如應爲開悟

衆生若干種

了知如幻化

內外無所取

自性常清淨

諸乘種種說

無爲性平等

導師善方便

分別說三乘

現住煩惱魔

煩惱無所有

天魔及蘊灰

境界悉皆空

復次童女菩薩成就八種法故離諸憎愛何者爲八

一慈二悲三者常行利益四者不染世法五者不著自身六者常修定心七者捨離身命八者觀察煩惱修此八法能離憎愛爾時世尊重說偈言

堅被慈心鎧

哀悲於一切

安住平等心

則不生憎愛

智人行利益

常施他安樂

得利不自高

輕毀不生恨

不爲八風動

則不生憎愛

於已若於他

不生憎愛想

諸想悉捨離 境界無所著 常自觀其身
不惜於軀命 智者於苦樂 不動如虛空
善觀察煩惱 我我所俱離 持行恒如地
則不生憎愛

復次童女菩薩成就八種法故於生死中無有疲倦
何等爲八一者善根廣大故二者觀察衆生故三者
常得見佛修供養故四者得見無量諸佛利故五者
常求佛智故六者了知生死猶如夢故七者於殊勝
法無怯弱故八者觀察前際及以後際如實際故爾
時世尊而說偈言

若諸行道者 修善無瑕垢 如空月清淨
度脫苦衆生 摄諸功德故 生死無疲倦
觀察衆生性 堅固行精進 於無量佛刹
恭敬供養佛 是故十力者 生死無疲倦
無量無邊世 說不思議法 不斷三寶種
當成於法王 堅持禁戒者 生死無疲倦
了知生死性 如夢如雲電 於法得解脫
生死無疲倦 安住於菩提 喜心常悅豫
度於方便岸 生死無疲倦 常修殊勝法
如空月增長 愛樂佛功德 生死無疲倦

生歎無邊際 常住於實際 一念慧相應
生歎無疲倦

復次童女成就八法心界平等何者爲八一者心如地故二者心如水故三者心如火故四者心如風故五者心如虛空故六者心等法界故七者心等解脫故八者心等涅槃故是名八種心界平等爾時世尊重說偈言

等心如地 荷負一切 於善於惡
燒滅煩惱 大炬光明 無所不燎
等心如風 無處無依 飄戒聞香
流徧三世 等心如空 離見清淨
徧入一切 而不隨魔 等心法界
善得安住 不增不減 常入平等
聲聞緣覺 所得解脫 無有縛者
亦無解者 生歎涅槃 無來無去
安住寂靜 徧遊三世

復次童女有八種法菩薩成就出生菩提何等爲八一者施出生捨諸有故二者戒出生無所犯故三者

忍出生無瞋恚故四者精進出生不懈退故五者禪
出生行方便故六者慧出生持戒多聞故七者梵住
出生解脫寂靜故八者神通出生常在定故爾時世
尊重說偈言

常修行施者 離諸貪熱惱 不希求果報
迴向佛菩提 持戒爲大乘 割截無瞋恨
志求大安樂 除習證滅 普薩行精進
多劫爲衆生 忍苦遊世間 精進力增長
修行禪定者 遠離諸戲論 到諸禪彼岸
而不隨禪生 大慧無等倫 永離諸邊見

了知世空寂 癡闇滅無餘 寂靜修梵住
淨除諸惡道 常爲釋梵王 勤修諸義利
神通遊佛刹 侍佛聽聞法 善知諸性欲
說法度衆生

復次童女菩薩就八種法故得唵羅尼辯才無礙
何等爲八一者尊重法故二者承事和尚阿闍梨故
三者求法無厭故四者如聞演說故五者不慳惜法
故六者不揚他惡故七者愛敬法師如和尚故八者
不見他過勸離過故是名八法菩薩成就具足總持
辯才無礙爾時世尊重說偈言

志樂常求法 事師親善友 遠離惡知識
得無盡藏持 多聞無厭足 勇猛勤求法
如聞而演說 不希求利養 得清淨辯才
能令衆歡喜 欣樂行法施 遠離於慳嫉
行法無所著 獲得陀羅尼 護戒自觀身
不求他過失 慈悲爲依止 發語不非時
當得無礙辯 度言說彼岸 於善說法者
愛敬如師想 隱過勸離惡 獲無盡海持
復次童女菩薩成就八種法故於諸佛前蓮華化生
何者爲八一者乃至失命不說他過二者勸化衆生
令歸三寶三者安置一切於菩提心四者梵行無染
五者造立佛像置蓮華座六者憂惱衆生令除憂惱
七者於貢高人常自謙下八者不惱他人爾時世尊
重說偈言

假令苦逼身 終不說他過 常稱嘆三寶
化生諸佛前 勸發菩提心 令求一切智
常修於梵行 化生諸佛前 黃金嚴佛像
坐寶蓮華座 除衆生憂惱 化生諸佛前
於彼憍慢人 謙卑如弟子 不令他生惱
化生諸佛前

復次童女有八種法菩薩成就頭陁功德常樂住於阿蘭若處何等爲八一者少欲二者知足三者滿足善法四者以善自養五者常持聖種六者見生歟患心常厭離七者恒觀無常苦空無我八者深信堅固不隨他教爾時世尊重說偈言

少欲知足不放逸

法喜衆善爲資養

愛樂常修於聖種

見生死患生怖心

由是常樂行頭陁

如犀一角獨無侶

有爲之法苦無我

慧心深信住正勤

自見於法不隨他

常處空閑佛所讚

頭陁遠離無惱患

無諸諍論衆過失

遠離眷屬絕稱譽

由是樂住阿蘭若

復次童女菩薩成就八種法故摧伏魔怨何等爲八一者入於性空二者信於無相三者信於無願四者了知無作五者內無疑惑六者忍於無生七者決了無性八者於一切法方便觀察不壞於如爾時世尊重說偈言

於空無相及無願

得三解脫降魔怨

有爲無爲無二相

證於無生得解脫

諸法無生如是忍

彼等降伏諸魔怨

於此無生無滅中

蘊界無我猶如幻

決定了知法無性

不壞於如巧方便

分別諸法爲魔業

捨離分別則降魔

智慧方便二俱行

若有若空無所住

修習如是殊勝法

得善方便妙色身

復次童女菩薩成就八種法故不離菩提何者爲八
一者正見成熟邪見衆生故二者正念悲愍邪念衆
生故三者正語愍諸邪語故四者正業攝諸邪業故
五者正精進度邪勤者故六者正命不捨邪命衆生
故七者正思惟令離邪思惟故八者正定發起增進
邪定者故爾時世尊重說偈言

成就正見者

化彼諸邪見

常修行正念

哀悲邪念者

清淨正言說

愍諸邪語者

安住於正業

攝諸邪業者

常修於正勤

不捨邪勤者

相應正淨命

攝諸邪命者

智者正思惟

哀愍邪思者

常住於正定

攝諸邪定者

無上八正道

安隱度暴流

復度漂流者

是大菩提道

聲聞及緣覺

草筏唯自渡

菩薩廣運濟

如彼大船師

復次童女菩薩成就八種法故證甘露道何等爲八

一者住於無諍之法二者善守無障礙心三者常觀如實之義四者住菩提心修習六念五者精勤修習諸波羅蜜六者積集善根成熟衆生七者住於大悲攝受正法入者得無生忍住不退轉爾時世尊重說偈言

常修無諍行 住大沙門法 遠離瞋恚過
積集諸善根 善觀如實義 得諸無盡辯
安住菩提心 常念於無念 一切波羅蜜
勤修無退轉 得諸方便力 由是度衆生
能以法王財 慈心施一切 速證無生忍
不退轉菩提 若能如是行 佛法不難得
不久降魔衆 證最上菩提

爾時淨信童女聞是法已歡喜踊躍白佛言世尊成就幾法能轉女身佛告童女成就八法當轉女身何等爲八一者不嫉二者不慳三者不詣四者不瞋五者實語六者不惡口七者捨離貪欲八者離諸邪見童女修此八法速轉女身爾時世尊重說偈言

不嫉妒他人 離慳常樂法 不行於詣誑
獸患女人身 慈心捨離瞋 常修於實語
除貪離惡口 安住正見中 若獸女人身

應修如是法 便當速得轉 受善丈夫身
復次童女成就八法能轉女身何者爲八一者尊重
於佛深樂於法二者恭敬供養戒忍多聞沙門婆羅
門三者於夫男女及以居家不生愛著四者受持禁
戒無所缺犯五者於一切人不生邪念六者增上意
樂眾離女身七者住菩提心大丈夫法八者觀世家
業如幻如夢爾時世尊重說偈言

敬佛深樂法

尊重戒多聞

不生貪愛心

女身速當轉

持戒具慚愧

不妄念他人

安住菩提心

不樂餘乘法

由是速能轉

不淨女人身

勝志得狀心

一切皆如幻

諸法本無動

因緣性空寂

勤修如實法

速得丈夫身

爾時淨信童女以所持金鬘散於佛上於虛空中變
成真金宮殿樓閣於宮殿中有化如來坐於金座時
五百童女各各解身莊嚴之具散彼佛上亦於空中
變金樓閣寶帳寶蓋種種莊嚴爾時五百童女見大
神變異口同音而說偈言

世尊人中最殊勝

哀愍利益諸衆生

我今已發菩提心

志樂相應住調伏

爲世導師施安樂 我當供養人中尊
聞法已離於塵垢 我等無復諸疑惑
方離女身衆染汙 永破煩惱降魔怨
十方無量俱胝佛 我當歡喜常供養
安住施戒勤精進 忍辱禪定善調心
智慧方便攝衆生 當證寂上菩提道
利益無量人天衆 悉令發起大乘心
我等當能師子吼 我等當作人天師
爾時世尊便現微笑諸佛常法種種色光青黃赤白
紅紫玻璃從佛口出徧照無量無邊世界乃至梵世
遶佛三匝還從頂入爾時長老阿難從座而起白佛
言世尊何因何緣現此微笑佛告阿難汝見淨信童
女不阿難白言雖然已見佛言阿難是淨信等五百
童女人中壽盡當捨女身生兜率陁天承事供養彌
勒世尊及賢劫中一切如來是淨信童女過八萬四
千俱胝那由他劫於電光世界當得作佛號光明莊
嚴王如來劫名常光其佛壽命如兜率陁天十二千
歲其國純以無量無邊大菩薩衆而爲眷屬是五百
童女於此衆中最爲上首猶如我今六十菩薩文殊
師利而爲上首阿難若有女人得聞此經受持讀誦

12345678920
盡此女身後不復受速證阿耨多羅三藐三菩提佛
說此經已淨信等五百童女及一切世間天人阿修
羅聞佛所說皆大歡喜信受奉行

彌勒菩薩問八法會第四十一

元魏三藏菩提留支譯

如是我聞一時婆伽婆住王舍城耆闍崛山中與大
比丘衆千二百五十人俱并諸菩薩摩訶薩十千人
等爾時彌勒菩薩摩訶薩卽從坐起偏袒右肩右膝
著地合掌向佛白佛言世尊我今欲以少法問於如
來應正徧知不審世尊聽許以不爾時世尊告彌勒
菩薩摩訶薩言彌勒隨汝心念問於如來應正徧知
我當爲汝分別解說令汝心喜爾時彌勒菩薩摩訶
薩白佛言世尊如是願樂欲聞世尊諸菩薩摩訶薩
畢竟成就幾法不退阿耨多羅三藐三菩提於勝進
法中不退不轉行菩薩行時降伏一切諸魔怨敵如
實知一切法自體相於諸世間心不疲倦以心不疲
倦故不依他智速疾成就阿耨多羅三藐三菩提爾
時世尊告彌勒菩薩摩訶薩言善哉善哉彌勒汝今
乃能問於如來如是深義佛復告彌勒菩薩摩訶薩
言汝今應當一心諦聽吾當爲汝分別解說如是深

義卽時彌勒菩薩摩訶薩白佛言世尊如是願樂欲聞佛復告彌勒菩薩摩訶薩言彌勒若諸菩薩摩訶薩畢竟成就八法不退阿耨多羅三藐三菩提於勝進法中不退不轉行菩薩行時降伏一切諸魔怨敵如實知一切法自體相於諸世間心不疲倦以心不疲倦故不依他智速疾成就阿耨多羅三藐三菩提何等爲八彌勒所謂諸菩薩摩訶薩成就深心成就行心成就捨心成就善知迴向方便心成就大慈心成就大悲心成就善知方便成就般若波羅蜜彌勒云何諸菩薩摩訶薩成就深心彌勒若諸菩薩摩訶薩聞讚歎佛及毀訾佛其心畢竟於阿耨多羅三藐三菩提堅固不動聞讚歎法及毀訾法其心畢竟於阿耨多羅三藐三菩提堅固不動聞讚歎僧及毀訾僧其心畢竟於阿耨多羅三藐三菩提堅固不動彌勒如是諸菩薩摩訶薩畢竟成就淡心彌勒云何諸菩薩摩訶薩成就行心彌勒若諸菩薩摩訶薩遠離殺生遠離偷盜遠離邪淫遠離妄語遠離兩舌遠離惡口遠離綺語彌勒如是諸菩薩摩訶薩畢竟成就行心彌勒云何諸菩薩摩訶薩成就捨心彌勒若諸菩薩摩訶薩是能捨主是施主施諸沙門及婆羅門

貧窮乞丐下賤人等衣食卧具隨病湯藥所須之物
彌勒如是諸菩薩摩訶薩畢竟成就捨心彌勒云何
諸菩薩摩訶薩成就善知迴向方便心彌勒若諸菩
薩摩訶薩所修善根謂身口意業皆悉迴向阿耨多
羅三藐三菩提彌勒如是諸菩薩摩訶薩畢竟成就
善知迴向方便心彌勒云何諸菩薩摩訶薩成就大
慈心彌勒若諸菩薩摩訶薩畢竟成就大慈身業畢
竟成就大慈口業畢竟成就大慈意業彌勒如是諸
菩薩摩訶薩畢竟成就大慈心彌勒云何諸菩薩摩
訶薩成就大悲心彌勒若諸菩薩摩訶薩畢竟成就
不可譏呵身業畢竟成就不可譏呵口業畢竟成就
不可譏呵意業彌勒如是諸菩薩摩訶薩畢竟成就
大悲心彌勒云何諸菩薩摩訶薩成就善知方便彌
勒若諸菩薩摩訶薩善知世諦善知第一義諦善知
二諦彌勒如是諸菩薩摩訶薩畢竟成就善知方便
諸菩薩摩訶薩如是覺知依此法有此法依此法生
此法所謂無明緣行行緣識識緣名色名色緣六入
六入緣觸觸緣受受緣愛愛緣取取緣有有緣生生
緣老死憂悲苦惱如是唯有大苦聚集彌勒此法無

故此法無此法滅故此法滅所謂無明滅則行滅行
滅則識滅識滅則名色滅名色滅則六入滅六入滅
則觸滅觸滅則受滅受滅則愛滅愛滅則取滅取滅
則有滅有滅則生滅生滅則老死憂悲苦惱滅如是
唯有大苦聚集滅彌勒如是諸菩薩摩訶薩畢竟成
就般若波羅蜜彌勒是名諸菩薩摩訶薩畢竟成就
八法不退阿耨多羅三藐三菩提於勝進法中不退
不轉行菩薩行時降伏一切諸魔怨敵如實知一切
法自體相於諸世間心不疲倦以心不疲倦故不依
他智速疾成就阿耨多羅三藐三菩提佛說此經已
彌勒菩薩摩訶薩及餘諸菩薩摩訶薩比丘比丘尼
優婆塞優婆夷天龍夜叉乾闥婆阿修羅迦樓羅緊
那羅摩睺羅伽人非人等一切大眾聞佛所說皆大
歡喜信受奉行

彌勒菩薩所問會第四十二

唐三藏菩提流志新譯

如是我聞一時佛在波羅柰國施鹿林中與大比丘
衆五百人俱一切皆爲衆所知識其名曰阿若憍陳
如摩訶迦葉優樓頻螺迦葉伽耶迦葉那提迦葉舍
利弗大目犍連阿難羅睺羅等而爲上首復有菩薩

摩訶薩一萬人俱其名曰善意菩薩增上意菩薩堅
同意菩薩師子意菩薩觀世音菩薩大勢至菩薩辯
積菩薩美音菩薩勝幢菩薩信慧菩薩水天菩薩帝
勝菩薩帝天菩薩無攀緣菩薩具辯才菩薩神通妙
華菩薩彌勒菩薩文殊師利法王子等而爲上首爾
時世尊無量百千大衆圍遶供養恭敬而爲說法是
時彌勒菩薩摩訶薩在衆會中卽從座起偏袒右肩
右膝著地合掌頂禮而白佛言世尊我有少疑今欲
諮詢惟願如來見垂聽許佛告彌勒菩薩言若有所
疑今恣汝問當爲解說令得歡喜爾時彌勒菩薩聞
佛許已歡喜踊躍而白佛言世尊菩薩成就幾法離
諸惡道及惡知識而能速證阿耨多羅三藐三菩提
耶佛告彌勒菩薩言善哉善哉彌勒汝今爲欲哀愍
一切利益安樂天人世間能問如來如是深義汝應
諦聽善思念之吾當爲汝分別解說彌勒菩薩卽白
佛言唯然世尊願樂欲聞佛告彌勒言菩薩成就一
法離諸惡道及惡知識速能證得阿耨多羅三藐三
菩提云何爲一所謂發勝意樂菩提之心是名爲一
彌勒復有二法離諸惡道及惡知識速能證得阿耨
多羅三藐三菩提云何爲二者於奢摩他常勤修

習二者於毗鉢舍那而得善巧是名爲二彌勒復有三法離諸惡道及惡知識速能證得阿耨多羅三藐三菩提云何爲三一者成就大悲二者修習空法三者於一切法不生分別是名爲三彌勒復有四法離諸惡道及惡知識速能證得阿耨多羅三藐三菩提云何爲四一者安住淨戒二者離諸疑網三者樂阿蘭若四者起正見心是名爲四彌勒復有五法離諸惡道及惡知識速能證得阿耨多羅三藐三菩提云何爲五一者住於空法二者不求他過三者常自觀察四者愛樂正法五者攝護於他是名爲五彌勒復有六法離諸惡道及惡知識速能證得阿耨多羅三藐三菩提云何爲六一者無有貪欲二者不生瞋恚三者不起愚癡四者常離麤語五者住於空性六者心如虛空是名爲六彌勒復有七法離諸惡道及惡知識速能證得阿耨多羅三藐三菩提云何爲七一者住於正念二者成就擇法三者發起精進四者常生歡喜五者身得輕安六者住諸禪定七者具足行捨是名爲七彌勒復有八法離諸惡道及惡知識速能證得阿耨多羅三藐三菩提云何爲八一者正見二者正思惟三者正語四者正業五者正命六者正

1 2 3 4 5 6 7 8 9 200 1 2 3 4 5 6 7 8 9 200

勤七者正念八者正定是名爲八彌勒復有九法離諸惡道及惡知識速能證得阿耨多羅三藐三菩提云何爲九一者遠離諸欲惡不善法安住初禪尋伺喜樂心一境性二者遠離尋伺安住二禪內淨喜樂心一境性三者遠離於喜安住三禪捨念慧樂心一境性四者遠離憂苦及以喜樂安住四禪捨念清淨無苦無樂心一境性五者超過色想無異攀緣安住無邊虛空處定六者超過無邊空處定已而能安住無邊識定七者超過無邊識處定已而能安住無所有定八者超過無所有處定已安住非想非非想定九者超過非想非非想處定已而能安住滅受想定是名爲九彌勒復有十法離諸惡道及惡知識速能證得阿耨多羅三藐三菩提云何爲十一者善能成就金剛三昧二者成就處非處相應三昧三者成就方便行三昧四者成就徧照三昧五者成就普光明三昧六者成就普徧照三昧七者成就寶月三昧八者成就月燈三昧九者成就出離三昧十者成就勝幢臂印三昧是名爲十彌勒菩薩成就如是法已離諸惡道及惡知識速能證得阿耨多羅三藐三菩提爾時彌勒菩薩得聞是法心大歡喜偏袒右肩

右膝著地合掌恭敬卽於佛前以偈讚曰
佛於過去劫 捨所愛妻子 頭目及骨髓
到於施彼岸 佛常護禁戒 如犛牛愛尾
最勝無倫匹 到於戒彼岸 佛以忍辱力
捨離於違諍 不求人過惡 到於忍彼岸
佛以精進力 得無上寂靜 究竟常安樂
到於勤彼岸 佛以禪定力 能滅諸罪垢
爲天人導師 到於定彼岸 佛以智慧力
善了知諸法 自性無所有 到於慧彼岸
佛於菩提樹 降伏諸魔軍 具足最勝智
成就無上道 導師無畏力 於波羅柰國
轉清淨法輪 摧破諸外道 無上大智慧
出過於世間 能放淨光明 善說諸法要
如來清淨色 智慧及功德 超過諸世間
能到於彼岸

爾時阿難白佛言世尊是彌勒菩薩甚爲希有而能
成就無量辯才隨衆生念平等說法而於文字無所
繫著佛告阿難如是如是汝所說阿難彌勒菩薩
豈唯今日能於我前以偈讚佛乃往過去十無數劫
爾時有佛號焰光遊戲妙音自在王如來應供正徧

知明行足善逝世間解無上士調御丈夫天人師佛
世尊爾時有一婆羅門子名曰賢壽諸相具足見者
歡喜從園苑出見彼如來端正殊妙諸根寂靜得奢
摩他如清淨池無諸垢穢三十二相八十種好而自
莊嚴如娑羅樹其華開敷如須彌山出過一切面貌
熙怡如月盛滿威光赫奕如日顯曜形量周圓如尼
俱陀樹是時賢壽覩佛如來殊勝之相心生淨信作
是思惟希有世尊乃能成就如是無量功德莊嚴我
亦願於當來之世成就如是功德之身發是願已投
身於地復自念言若當來世得佛身者惟願如來足
蹈我上爾時彼佛知賢壽意卽以其足蹈賢壽身當
下足時得無生法忍世尊迴顧告諸比丘汝等勿以
足蹈賢壽何以故此是菩薩摩訶薩今已證得無生
法忍復能成就天眼天耳他心宿住神境智通爾時
賢壽卽於佛前以偈讚曰

佛於十方界 崑尊無有上 超過諸世間

我今稽首禮 如來大光明 掩蔽於日月

超過諸世間 我今稽首禮 譬如師子吼

諸獸咸怖畏 世尊大威德 欤伏諸外道

眉間白毫相 猶如玻瓈光 普照于世間

超過於一切 世尊無與等 足蹈千輻輪
清淨化世間 能動於天地 成就出離道
超過煩惱海 以諸功德財 隨意皆施與
如來清淨戒 猶如於大地 出生諸功德
無有愛憎想 以智慧力故 了知諸法空
衆生及壽者 分別不可得 善了衆生性
心行及所趣 爲世作明燈 饒益於一切
世間苦逼迫 漂溺於羣流 常爲諸衆生
起大精進力 世尊離煩惱 生老及病死
處世如虛空 一切無所染 智慧大威光
能破一切暗 永離貪瞋癡 我今稽首禮
佛告阿難賢壽菩薩所獲神通從是已來不復退失
於意云何爾時賢壽豈異人乎今此會中彌勒菩薩
摩訶薩是阿難白佛言世尊若彌勒菩薩久已證得
無生法忍何故不得阿耨多羅三藐三菩提耶佛告
阿難菩薩有二種莊嚴二種攝取所謂攝取衆生莊
嚴衆生攝取佛國莊嚴佛國彌勒菩薩於過去世修
菩薩行常樂攝取佛國莊嚴佛國我於往昔修菩薩
行常樂攝取衆生莊嚴衆生然彼彌勒修菩薩行經
四十劫我時乃發阿耨多羅三藐三菩提心由我勇

01234567892012345678920

猛精進力故便超九劫於賢劫中得阿耨多羅三藐三菩提阿難我以十法得證菩提云何爲十一者能施所愛之物二者能施所愛之妻三者能施所愛之子四者能施所愛之頭五者能施所愛之眼六者能施所愛王位七者能施所愛珍寶八者能施所愛血肉九者能施所愛骨髓十者能施所愛支分是名爲十我行此法能得阿耨多羅三藐三菩提阿難復有十法能證菩提云何爲十一者護戒功德二者成就忍力三者發起精進四者得諸禪定五者有大智慧六者於諸衆生常不捨離七者於諸衆生起平等心八者於諸空法而常修習九者善能成就真實空性十者善能成就無相無願是名爲十我行此法能得阿耨多羅三藐三菩提阿難彌勒菩薩往筭行菩薩道時不能捨施手足頭目但以善巧方便安樂之道積集無上正等菩提爾時阿難白佛言世尊云何彌勒往筭行菩薩道時但以善巧方便安樂之道而能積集無上菩提佛告阿難彌勒往筭行菩薩道晝夜六時偏袒右肩右膝著地合掌頂禮於諸佛前說是

偈言

我今歸命禮 十方一切佛 菩薩聲聞衆

大仙天眼者 亦禮菩提心 遠離諸惡道
能得生天上 乃至證涅槃 若我作少罪
隨心之所生 今對諸佛前 懺悔令除滅
我今身口意 所集諸功德 願作菩提因
當成無上道 十方國土中 供養如來者
及佛無上智 我今盡隨喜 有罪悉懺悔
是福皆隨喜 我今禮諸佛 願成無上智
十方大菩薩 證於十地者 我今稽首禮
願速證菩提 得證菩提已 摧伏於魔軍
轉清淨法輪 饒益眾生類 常願住世間
無量俱胝劫 擊于大法鼓 度脫苦衆生
我沒於欲泥 貪繩之所繫 種種多纏縛
願佛坐觀察 衆生雖垢重 諸佛不厭捨
願以大慈悲 度脫生死海 現在諸世尊
過去未來佛 所行菩薩道 我今願修學
證於無上道 了知諸法空 無相無自性
具足波羅蜜 成就六神通 度脫諸衆生
無住無表示 不生亦不滅 又如大仙尊
善了於無我 無補特伽羅 乃至無壽者
於諸布施事 不執我我所 爲安樂衆生

施與無慳惜 願我所施物 不假功用生
觀察了知空 具施波羅蜜 持戒無缺減
得佛淨戶羅 以無所住故 具戒波羅蜜
忍辱如四大 不生分別心 以無瞋恚故
具忍波羅蜜 願以身心力 發起大精進
堅固無懈怠 具勤波羅蜜 以如幻如化
及勇猛精進 金剛等三昧 具禪波羅蜜
願證三昧智 入於三脫門 了三世平等
具慧波羅蜜 諸佛妙色身 光明大威德
菩薩精進行 願我皆圓滿 眇勒名稱者

勤修如是行 具六波羅蜜 安住於十地
佛告阿難彌勒菩薩安住如是善巧方便積集阿耨
多羅三藐三菩提阿難我昔求道受苦無量乃能積
集阿耨多羅三藐三菩提何以故乃往古昔時有太
子名見一切義端正殊妙諸相具足見者歡喜出遊
園苑見一病人受諸重苦生悲愍心便問之言汝今
此病豈無有藥能療治耶爾時病人卽以偈頌白太
子言

我病藥難求 世間不可得 國王亦無有
何況病惱者 通達於諸論 善說醫方者

雖欲爲療治 其藥難可得

爾時太子復以偈頌告病人言

金銀摩尼珠 乃至於象馬 所求皆當說

爲汝除憂惱

爾時病人復以偈頌白太子言

若飲太子血 我必得安樂 聞生歡喜心

施我無憂惱

爾時太子復以偈頌告病人言

我爲諸衆生 墜墮無間獄 多劫猶能忍

何況於身血

爾時太子卽取利刀刺身出血令彼病人隨意所用
不生一念悔恨之心阿難當知爾時太子見一切義
者豈異人乎今我身是四大海水猶可測量我於往
昔行菩薩道捨己身血不可稱計佛告阿難乃往古
喜從園苑出見一病人身體羸瘦生悲愍心便問之
言汝今此病豈無有藥能療治耶爾時病人卽以偈
頌白太子言

世雖有良醫 無藥療我病 惟願生慈愍
爲我除憂惱

爾時太子卽以偈頌告病人言

我爲利世間 一切咸施與 身分及珍寶

須者皆當說

爾時病人復以偈頌白太子言

譬如大藥王 隨意療衆病 亦如日月光

昔照諸世間 若能出身髓 徧塗於我身

是病乃消除 長夜得安樂

爾時太子復以偈頌告病人言

若有諸衆生 碎我身出髓 爲利於世間

心不生憂惱

爾時太子卽自碎身取其骨髓與彼病人隨意所用
不生一念悔恨之心阿難當知爾時妙華太子豈異
人乎今我身是四大海水猶可測量我於往昔行菩
薩道捨身骨髓不可稱計佛告阿難乃往古昔時有
國王名爲月光端正殊妙諸相具足見者歡喜從園
苑出見一盲人貧窮乞丐生悲愍心便問之言汝何
所須我當施汝或飲食衣服莊嚴資具金銀摩尼及
諸珍寶隨汝所欲皆當與之爾時盲人卽以偈頌而

白王言

大王猶日月 光明照世間 具足勝功德

不久生天上 一切淨妙色 我今悉不見
願王超慈悲 施我所愛眼
爾時大王卽以偈頌告盲人言
汝速來取眼 令汝得安樂 願我當來世
得佛清淨眼 我行菩薩道 一切皆當捨
若我不施汝 是則違本願

爾時月光王卽取利刀自挑其眼與彼盲人隨意所用不生一念悔恨之心阿難當知爾時月光王者豈異人乎卽我身是須彌山王猶可度量我於往昔行菩薩道捨所愛眼不可稱計阿難彌勒菩薩往修行菩薩道時作是願言若有衆生薄姪怒癡成就十善我於爾時乃成阿耨多羅三藐三菩提阿難於當來世有諸衆生薄姪怒癡成就十善彌勒菩薩當爾之時得阿耨多羅三藐三菩提何以故由彼菩薩本願力故佛告阿難我於往昔行菩薩道作如是言願我當於五濁惡世貪瞋垢重諸惡衆生不孝父母不敬師長乃至眷屬不相和睦我於爾時當成阿耨多羅三藐三菩提阿難以是願故我今所入城邑聚落多有衆生毀罵於我以斷常法招集衆會若行乞食全以塵土和諸穢毒與我令食或以女人誹謗於我阿

難我於今者以本願力爲如是等諸惡衆生起大悲心而爲說法爾時阿難白佛言世尊如來應正等覺能作難作能忍難忍不調伏者悉令調伏荷擔如是罪垢衆生而爲說法佛告阿難如是如是如汝所說何以故如來大悲之所攝故爾時阿難白佛言世尊我聞如來堅固誓願身毛皆豎世尊當何名此經我等云何奉持佛告阿難是經名爲彌勒所問亦名往昔本願因緣以是名字汝當受持佛說是經已彌勒菩薩尊者阿難一切世間天人阿脩羅乾闥婆等聞佛所說皆大歡喜信受奉行

大寶積經卷第一百一十一

校讎

第十紙

十八行愍諸之
諸北藏作語

第廿五紙

十五行當
宋藏作得

音釋

波斯匿

梵語也此云勝軍王名也匿音溺

稚

直利切幼小也諛詭

諛容朱

切面從

曰諛詭丑琰

切伎言曰諛詭丑琰

阿蘭若

梵語具云阿蘭若此云閑靜處若爾者切

西屏

犀

莫交切長髦牛也出

那由他

云萬億

此

俱胝

梵語也此云百億

張尼

切

云萬億

跋

音福輪轄也謂輪中木之直指者

趺

切謂輪轄也

切

龐

切爲切

切

全

蒲闇切

切

1234567892001234567892112345678922

渾源州下瞳村張舉家榮氏采氏男張鳳常張全兄 劉美春至董氏 高利寧喬氏 胡大
寶室王氏 王舉室康氏 王世利室尤氏 郝鸞堂尤氏 姜世武共施皆刻此
太寶積經第一百十一卷 敦州沙彌性淨對 真州王國英書 上元許一科刻
萬曆乙未仲冬徑山興慶寺書

大寶積經卷第一百一十二

失譯師名附秦錄勘同錄編入

普明菩薩會第四十三

如是我聞一時佛在王舍城耆闍崛山中與大比丘
衆八千人俱菩薩摩訶薩萬六千人皆是阿惟越致
從諸佛土而來集會悉皆一生當成無上正真大道
爾時世尊告大迦葉菩薩有四法退失智慧何謂爲
四不尊重法不敬法師所受深法祕不說盡有樂法
者爲作畱難說諸因緣沮壞其心憍慢自高卑下他
人迦葉是爲菩薩四法退失智慧復次迦葉菩薩有

四法得大智慧何謂爲四常尊重法恭敬法師隨所聞法以清淨心廣爲人說不求一切名聞利養知從多聞生於智慧勤求不懈如救頭然聞經誦持樂如說行不隨言說迦葉是爲菩薩四法得大智慧復次迦葉菩薩有四法失菩提心何謂爲四欺詐師長已受經法而不恭敬無疑悔處令他疑悔求大乘者訶罵誹謗廣其惡名以詔曲心與人從事迦葉是爲菩薩四法失菩提心復次迦葉菩薩有四法世世不失菩提之心乃至道場自然現前何謂爲四失命因緣不以妄語何況戲笑常以直心與人從事離諸詔曲於諸菩薩生世尊想能於四方稱揚其名自不受樂諸小乘法所化衆生皆悉令住無上菩提迦葉是爲菩薩四法世世不失菩提之心乃至道場自然現前復次迦葉菩薩有四法所生善法滅不增長何謂爲四以憍慢心讀誦修學路伽耶經貪利養心詣諸檀越憎毀菩薩所未聞經違逆不信迦葉是爲菩薩四法所生善法滅不增長復次迦葉菩薩有四法所生善法增長不失何謂爲四捨離邪法求正經典六波羅蜜菩薩法藏心無憍慢於諸衆生謙卑下下如法得施知量知足離諸邪命安住聖種不出他人罪過

虛實不求人短若於諸法心不通達作如是念佛法
無量隨衆所樂而爲演說唯佛所知非我所解以佛
爲證不生違逆迦葉是爲菩薩四法所生善法增長
不失復次迦葉菩薩有四曲心所應遠離何謂爲四
於佛法中心生疑悔於諸衆生憍慢瞋恨於他利養
起嫉妒心訶罵菩薩廣其惡名迦葉是爲菩薩四曲
心所應遠離復次迦葉菩薩有四直心之相何謂爲
四所犯衆罪終不覆藏向他發露心無益纏若失國
界身命財利如是急事終不妄語亦不餘言一切惡
事罵謔毀謗過打繫縛種種傷害受是苦時但自咎
責自依業報不瞋恨他安住信力若聞甚深難信佛
法自心清淨能悉受持迦葉是爲菩薩有四直心之
相復次迦葉菩薩有四敗壞之相何謂爲四讀誦經
典而生戲論不隨法行不能奉順恭敬師長令心歡
悅損他供養自違本誓而受信施見善菩薩輕慢不
敬迦葉是爲菩薩有四敗壞之相復次迦葉菩薩有
四善順之相何謂爲四所未聞經聞便信受如所說
行依止於法不依言說隨順師敎能知意旨易與言
語所作皆善不失師意不退戒定以調順心而受供
養見善菩薩恭敬愛樂隨順善人稟受德行迦葉是

爲菩薩有四善順之相復次迦葉菩薩有四錯謬何謂爲四不可信人與之同意是菩薩謬非器衆生說甚深法是菩薩謬樂大乘者爲讚小乘是菩薩謬若行施時但與持戒供養善者不與惡人是菩薩謬迦葉是爲菩薩四謬復次迦葉菩薩有四正道何謂爲四於諸衆生其心平等普化衆生等以佛慧於諸衆生平等說法普令衆生等住正行迦葉是爲菩薩有四正道復次迦葉菩薩有四非善知識非善等侶何謂爲四求聲聞者但欲自利求緣覺者喜樂少事讀外經典路伽耶毗文辭嚴飾所親近者但增世利不益法利迦葉是爲菩薩有四非善知識非善等侶復次迦葉菩薩有四善知識四善等侶何謂爲四諸來求者是善知識佛道因緣故能說法者是善知識生智慧故能教他人令出家者是善知識增長善法故諸佛世尊是善知識增長一切諸佛法故迦葉是爲菩薩四善知識四善等侶復次迦葉菩薩有四非菩薩而似菩薩何謂爲四貪求利養而不求法貪求名稱不求福德貪求自樂不救衆生以滅苦法樂聚徒衆不樂遠離迦葉是爲四非菩薩而似菩薩復次迦葉菩薩有四真實菩薩何謂爲四能信解空亦信業

報知一切法無有吾我而於衆生起大悲心深樂涅槃而遊生處所作行施皆爲衆生不求果報迦葉是爲四種真實菩薩福德復次迦葉菩薩有四大藏何謂爲四若有菩薩值遇諸佛能聞六波羅蜜及其義解以無礙心視說法者樂遠離行心無懈怠迦葉是爲菩薩有四大藏復次迦葉菩薩有四法能過魔事何謂爲四常不捨離菩提之心於諸衆生心無恚礙覺諸知見心不輕賤一切衆生迦葉是爲菩薩四法能過魔事復次迦葉菩薩有四法攝諸善根何謂爲四枉空閑處離詭曲心諸衆生中行四攝法而不求報爲求法故不惜身命修諸善根心無厭足迦葉是爲菩薩四法攝諸善根復次迦葉菩薩有四無量福德莊嚴何謂爲四以清淨心而行法施於破戒人生大悲心於諸衆生中稱揚讚歎菩提之心於諸下劣修習忍辱迦葉是爲菩薩有四無量福德莊嚴復次迦葉名菩薩者不但名字爲菩薩也能行善法行平等心名爲菩薩略說成就三十二法名爲菩薩何謂三十二法常爲衆生深求安樂皆令得住一切智中心不憎惡他人智慧破壞憍慢淡樂佛道愛敬無虛親厚究竟於怨親中其心同等至於涅槃言常含笑

先意問訊所爲事業終不中息普爲衆生等行大悲
心無疲倦多聞無狀自求已過不說他短以菩提心
行諸威儀所行惠施不求其報不依生處而行持戒
諸衆生中行無礙忍爲修一切諸善根故勤行精進
離生無色而起禪定行方便慧應四攝法善惡衆生
慈心無畏一心聽法心住遠離心不樂著世間衆事
不貪小乘於大乘中常見大利離惡知識親近善友
成四梵行遊戲五通常依真智於諸衆生所行正行
俱不捨棄言常決定貴真實法一切所作菩提爲首
如是迦葉若人有此三十二法名爲菩薩復次迦葉
菩薩福德無量無邊當以譬喻因緣故知迦葉譬如
一切大地衆生所用無分別心不求其報菩薩亦爾
從初發心至坐道場一切衆生皆蒙利益心無分別
不求其報迦葉譬如一切水種百穀藥木皆得增長
菩薩亦爾自心淨故慈悲普覆一切衆生皆令增長
一切善法迦葉譬如一切火種皆能成熟百穀果實
菩薩智慧亦復如是皆能成熟一切善法迦葉譬如
一切風種皆能成立一切世界菩薩方便亦復如是
皆能成立一切佛法迦葉譬如月初生時光明形色
日日增長菩薩淨心亦復如是一切善法日日增長

迦葉譬如日之初出一時放光普爲一切衆生照明
菩薩亦爾放智慧光一時普照一切衆生迦葉譬如
師子獸王隨所至處不驚不畏菩薩亦爾清淨持戒
真實智慧隨所住處不驚不畏迦葉譬如善調象王
能辦大事身不疲極菩薩亦爾善調心故能爲衆生
作大利益心無疲倦迦葉譬如如有諸蓮華生於水中
水不能著菩薩亦爾生於世間而世間法所不能汙
迦葉譬如如有人伐樹根在還生菩薩亦爾方便力故
雖斷結使有善根愛還生三界迦葉譬如諸方流水
入大海已皆爲一味菩薩亦爾以種種門集諸善根
迴向阿耨多羅三藐三菩提皆爲一味迦葉譬如須
彌山王忉利諸天及四天王皆依止住菩薩菩提心
亦復如是爲薩婆若所依止住迦葉譬如如有大國王
以臣力故能辦國事菩薩智慧亦復如是方便力故
皆能成辦一切佛事迦葉譬如天晴明時淨無雲翳
必無雨相寡聞菩薩無法雨相亦復如是迦葉譬如
天陰雲時必能降雨充足衆生菩薩亦爾從大悲雲
起大法雨利益衆生迦葉譬如隨轉輪王所出之處
則有七寶如是迦葉菩薩出時三十七品現於世間
迦葉譬如隨摩尼珠所在之處則有無量金銀珍寶

菩薩亦爾隨所出處則有無量百千聲聞辟支佛寶
迦葉譬如忉利諸天入同等園所用之物皆悉同等
菩薩亦爾真淨心故於衆生中平等教化迦葉譬如
咒術藥力毒不害人菩薩結毒亦復如是智慧力故
不墮惡道迦葉譬如諸大城中所棄糞穢若置甘蔗
蒲萄田中則有利益菩薩結使亦復如是所有遺餘
皆是利益薩婆若因緣故如是迦葉菩薩欲學是寶
積經者常應修習正觀諸法云何爲正觀所謂真實
思惟諸法真實正觀者不觀我人衆生壽命是名中
道真實正觀復次迦葉真實觀者觀色非常亦非無
常觀受想行識非常亦非無常是名中道真實正觀
復次迦葉真實觀者觀地種非常亦非無常觀水火
風種非常亦非無常是名中道真實正觀所以者何
以常是一邊無常是一邊常無常是中無色無形無
名無知是名中道諸法實觀我是一邊無我是一邊
邊若無我是中無色無形無名無知是名中道諸法實
觀復次迦葉若心有實是爲一邊若心非實是爲一
邊善法不善法世法出世法有罪法無罪法有漏法無
漏法有爲法無爲法乃至有垢法無垢法亦復如是

離於二邊而不可受亦不可說是名中道諸法實觀
復次迦葉有是一邊無是一邊有無中間無色無形
無名無知是名中道諸法實觀復次迦葉我所說法
十二因緣無明緣行行緣識識緣名色名色緣六入
六入緣觸觸緣受受緣愛愛緣取取緣有有緣生生
緣老眾憂悲苦惱如是因緣但爲集成是大苦聚若
無明滅則行滅行滅故識滅識滅故名色滅名色滅
故六入滅六入滅故觸滅觸滅故受滅受滅故愛滅
愛滅故取滅取滅故有滅有滅故生滅生滅故如是
老眾憂悲衆惱大苦皆滅明與無明無二無別如是
知者是名中道諸法實觀如是行及非行識及所識
名色可見及不可見諸六入處及六神通觸及所觸
受與受滅愛與愛滅取與取滅有與有滅生與生滅
老眾與老眾滅是皆無二無別如是知者是名中道
諸法實觀復次迦葉真實觀者不以空故令諸法空
但法性自空不以無相故令法無相但法自無相不
以無願令法無願但法自無願不以無起無生無我
無取無性故令法無起無取無性但法自無起無取
無性如是觀者是名實觀復次迦葉非無人故名曰
爲空但空自空前際空後際空中際亦空當依於空

莫依於人若以得空便依於空是於佛法則爲退墮
如是迦葉寧起我見積若須彌非以空見起增上慢
所以者何一切諸見以空得脫若起空見則不可除
迦葉譬如醫師授藥令病擾動是藥在內而不出者
於意云何如是病人寧得差不不也世尊是藥不出
其病轉增如是迦葉一切諸見唯空能滅若起空見
則不可除譬如有怖畏虛空悲嘆椎賀作如是言
我捨虛空於意云何是虛空者可捨離不不也世尊
如是迦葉若畏空法我說是人狂亂失心所以者何
常行空中而畏於虛空譬如畫師自手畫作夜叉鬼像
見已怖畏迷悶躰地一切凡夫亦復如是自造色聲
香味觸故往來生歿受諸苦惱而不自覺譬如幻師
作幻人已還自殘食行道比丘亦復如是有所觀法
皆空皆寂無有堅固是觀亦空迦葉譬如兩木相磨
便有火生還燒是木如是迦葉真實觀故生聖智慧
聖智生已還燒實觀譬如然燈一切黑闇皆自無有
無所從來去無所至非東方來去亦不至南西北方
四維上下不從彼來去亦不至而此燈明無有是念
我能滅闇但因燈明法自無闇明闇俱空無作無取
如是迦葉實智慧生無智便滅智與無智二相俱空

無作無取迦葉譬如千歲冥室未曾見明若然燈時
於意云何闇寧有念我久住此不欲去耶不也世尊
若然燈時是闇無力而不欲去必當磨滅如是迦葉
百千萬劫久習結業以一實觀卽皆消滅其燈明者
聖智慧是其黑闇者諸結業是迦葉譬如種在空中
而能生長從本已來無有是處菩薩取證亦復如是
增長佛法終無是處迦葉譬如種在良田則能生長
如是迦葉菩薩亦爾有諸結使離世間法能長佛法
迦葉譬如高原陸地不生蓮華菩薩亦復如是於無
爲中不生佛法迦葉譬如卑濕淤泥中乃生蓮華菩
薩亦爾生从淤泥邪定衆生能生佛法迦葉譬如
四大海滿中生酥菩薩有爲善根甚多無量亦復如
是迦葉譬如若破一毛以爲百分以一分毛取海一
滴一切聲聞有爲善根亦復如是迦葉譬如小芥子
孔所有虛空一切聲聞有爲智慧亦復如是迦葉譬
如十方虛空無量無邊菩薩有爲智慧甚多爲力無
量亦復如是迦葉譬如刹利大王有大夫人與貧賤
通懷姪生子於意云何是王子不不也世尊如是迦
葉我聲聞衆亦復如是雖爲同證以法性生不名如
來真實佛子迦葉譬如刹利大王與使人通懷姪生

子雖出下姓得名王子初發心菩薩亦復如是雖未具足福德智慧往來生歟隨其力勢利益衆生是名如來真實佛子迦葉譬如轉輪聖王而有千子未有一人有聖王相聖王於中不生子想如來亦爾雖有百千萬億聲聞眷屬圍繞而無菩薩如來於中不生子想迦葉譬如轉輪聖王有大夫人懷妊七日是子具有轉輪王相諸天尊重過餘諸子具身力者所以者何是胎王子必紹尊位繼聖王種如是迦葉初發心菩薩亦復如是雖未具足諸菩薩根如胎王子諸天神王深心尊重過於八解脫大阿羅漢所以者何如是菩薩名紹尊位不斷佛種迦葉譬如一瑠璃珠勝於水晶如須彌山菩薩亦爾從初發心便勝聲聞辟支佛衆迦葉譬如大王夫人生子之日小王羣臣皆來拜謁菩薩亦爾初發心時諸天世人皆當禮敬迦葉譬如雪山王中生諸藥草無有所屬無所分別普爲衆生平等救護迦葉譬如月初生時衆人愛敬踰於滿月如是迦葉信我語者愛敬菩薩過於如來所以者何由諸菩薩生如來故迦葉譬如愚人捨月禮事星宿智者不爾終不捨離菩薩行者禮敬聲聞

迦葉譬如諸天及人一切世間善治僞珠不能令成
瑠璃寶珠求聲聞人亦復如是一切持戒成就禪定
終不能得坐於道場成無上道迦葉譬如治瑠璃珠
能出百千無量珍寶如是教化成就菩薩能出百千
無量聲聞辟支佛寶爾時世尊復告大迦葉菩薩常
應求利衆生又正修習一切所有福德善根等心施
與一切衆生所得智藥徧到十方療治衆生皆令畢
竟云何名爲畢竟智藥謂不淨觀治於貪婬以慈心
觀治於瞋恚以因緣觀治於愚癡以行空觀治諸妄
見以無相觀治諸憶想分別緣念以無願觀治於一
切出三界願以四非倒治一切倒以諸有爲皆悉無
常治無常中計常顛倒以有爲苦治諸苦中計樂顛
倒以無我治無我中計我顛倒以涅槃寂治不淨中
計淨顛倒以四念處治諸依倚身受心法行者觀身
順身相觀不墮我見順受相觀不墮我見順心相觀
不墮我見順法相觀不墮我見是四念處能伏一切
身受心法開涅槃門以四正勤能斷已生諸不善法
及不起未生諸不善法未生善法悉能令生已生善
法能令增長取要言之能斷一切諸不善法成就一
切諸善之法以四如意足治身心重壞身一切令得

如意自在神通以五根治無信懈怠失念亂心無慧
衆生以五力障諸煩惱力以七覺分治諸法中疑悔
錯謬以八正道治墮邪道一切衆生迦葉是爲菩薩
畢竟智藥菩薩常應勤修習行又大迦葉闍浮提內
諸醫師中耆域醫王最爲第一假令三千大千世界
所有衆生皆如耆域若有人問心中結使煩惱邪見
疑悔病藥尚不能答何況能治菩薩於中應作是念
我終不以世藥爲足我當求習出世智藥亦修一切
善根福德如是菩薩得智藥已徧到十方畢竟療治
一切衆生何謂菩薩出世智藥謂知諸法從緣合生
信一切法無我無人亦無衆生壽命知見無作無受
信解通達無我我所於是空法無所得中不驚不畏
勤加精進而求心相菩薩如是求心何等是心若貪
欲耶若瞋恚耶若愚癡耶若過去未來現在耶若心
過去卽是盡滅若心未來未生未至若心現在則無
有住是心非內非外亦非中間是心無色無形無對
無識無知無住無處如是心者十方三世一切諸佛
不已見不今見不當見若一切佛過去來今而所不
見云何當有但以顛倒想故心生諸法種種差別是
心如幻以憶想分別故起種種業受種種身又大迦

葉心去如風不可捉故心如流水生滅不住故心如
燈焰衆緣有故是心如電念念滅故心如虛空客塵
汙故心如獮猴貪六欲故心如畫師能起種種業因
緣故心不一定隨逐種種諸煩惱故心如大王一切
諸法增上主故心常獨行無二無伴無有二心能一
時故心如怨家能與一切諸苦惱故心如狂象蹈諸
土舍能壞一切諸善根故心如吞鉤苦中生樂想故
是心如夢於無我中生我想故心如蟾蜍於不淨中
起淨想故心如惡賊能與種種考掠苦故心如惡鬼
求人便故心常高下貪恚所壞故心如盜賊劫一切
善根故心常貪色如蛾投火心常貪聲如軍久行樂
勝鼓音心常貪香如猪喜樂不淨中卧心常貪味如
小女人樂著美食心常貪觸如蠅著油如是迦葉求
是心相而不可得若不可得則非過去未來現枉若
非過去未來現在則出三世若出三世非有非無若
非有非無卽是不起若不起者卽是無性若無性者
卽是無生若無生者卽是無滅若無滅者則無所離
若無所離者則無來無去無退無生若無來無去無
退無生則無行業若無行業則是無爲若無爲者則
是一切諸聖根本是中無有持戒亦無破戒若無持

戒無破戒者是則無行亦無非行若無有行無非行者是則無心無心數法若無有心心數法者則無有業亦無業報若無有業無業報者則無苦樂若無苦樂卽是聖性是中無業無起業者無有身業亦無口業亦無意業是中無有上中下差別聖性平等如虛空故是性無別一切諸法等一味故是性遠離離身心相故是性離一切法隨順涅槃故是性清淨遠離一切煩惱垢故是性無我離我所故是性無高下從平等生故是性真諦第一義諦故是性無盡畢竟不生故是性常住諸法常如意安樂涅槃爲第一故是性清淨離一切相故是性無我求我不可得故是性真淨從本已來畢竟淨故又大迦葉汝等當自觀內莫外馳騁如是大迦葉當來比丘如犬逐塊云何比丘如犬逐塊譬如有人以塊擲犬犬卽捨人而往逐之如是迦葉有沙門婆羅門怖畏好色聲香味觸故住空閑處獨無等侶離衆憤鬧身離五欲而心不捨是人有時或念好色聲香味觸貪心樂著而不觀內不知云何當得離色聲香味觸以不知故有時來入城邑聚落在人衆中還爲好色聲香味觸五欲所縛以空閑處持俗戒故歎得生天又爲天上五

欲所縛從天上沒亦不得脫於四惡道地獄餓鬼畜
生阿脩羅道是名比丘如大逐塊又大迦葉云何比
丘不如大逐塊若有比丘爲人所罵而不報罵打害
瞋毀亦不報毀但自內觀求伏其心作如是念罵者
爲誰受者爲誰打者害者毀者瞋者亦復爲誰是名
比丘不如大逐塊迦葉譬如善調馬師隨馬懶悞卽
時能伏行者亦爾隨心所向卽時能攝不令放逸迦
葉譬如咽塞病卽能斷命如是迦葉一切見中唯有
我見卽時能斷於智慧命譬如有人隨所縛處而求
解脫如是迦葉隨心所著應當求解又大迦葉出家
之人有二不淨心何謂爲二一者讀誦路伽耶等外
道經書二者多畜諸好衣鉢又出家人有二堅縛何
謂爲二一者見縛二者利養縛又出家人有二障法
何謂爲二一者親近白衣二者憎惡善人又出家人
有二種垢何謂爲二一者忍受煩惱二者貪諸檀越
又出家人有二雨雹壞諸善根何謂爲二一者敗逆
正法二者破戒受人信施又出家人有二癱瘓何謂
爲二一者求見他過二者自覆其罪又出家人有二
燒法何謂爲二一者垢心受著法衣二者受他持戒
善人供養又出家人有二種病何謂爲二一者懷憎

上慢而不伏心二者壞他發大乘心又大迦葉謂沙門者有四種沙門何謂爲四一者形服沙門二者威儀欺誑沙門三者貪求名聞沙門四者實行沙門何謂形服沙門有一沙門形服具足被僧伽梨剃除鬚髮執持應器而便成就不淨身業不淨口業不淨意業不善護身慳嫉懈怠破戒爲惡是名形服沙門何謂威儀欺誑沙門有一沙門具足沙門身四威儀行立坐卧一心安詳斷諸美味修四聖種遠離衆會出家憒鬧之衆言語柔軟行如是法皆爲欺誑不爲善想於空論比丘生怨賦想是名威儀欺誑沙門何謂名聞沙門有一沙門以現因緣而行持戒欲令人知自力讀誦欲令他人知爲多聞自力獨處在於閑靜欲令人知爲阿練若少欲知足行遠離行但爲人知不以狀離不爲善寂不爲得道不爲沙門婆羅門果不爲涅槃是爲名聞沙門復次迦葉何謂實行沙門有一沙門不貪身命何況利養聞諸法空無相無願心達隨順如所說行不爲涅槃而修梵行何況三界尚不樂起空無我見何況我見衆生人見離依止法而求解脫一切煩惱見一切諸法本來無垢畢竟清

淨而自依止亦不依他以正法身尚不見佛何況形色以空遠離尚不見法何況食著音聲言說以無爲法尚不見僧何況當見有和合衆而於諸法無所斷除無所修行不住生死不著涅槃知一切法本來寂滅不見有縛不求解脫是名實行沙門如是迦葉汝等當習實行沙門法莫爲名字所壞迦葉譬如貧窮賤人假富貴名於意云何稱此名不不也世尊如是迦葉但名沙門婆羅門而無沙門婆羅門實功德行亦如貧人爲名所壞譬如有人漂沒大水渴乏而死如是迦葉有諸沙門多讀誦經而不能止貪恚癡渴法水漂沒煩惱渴歎墮諸惡道譬如藥師持藥囊行而自身病不能療治多聞之人有煩惱病亦復如是雖有多聞不止煩惱不能自利譬如有人服王貴藥不能將適爲藥所害多聞之人有煩惱病亦復如是得好法藥不能修善自害慧根迦葉譬如摩尼寶珠墮不淨中不可復著如是多聞食著利養便不復能利益天人譬如眾人著金纓絡多聞破戒比丘被服法衣受他供養亦復如是如長者子剪除爪甲淨自洗浴塗赤栴檀著新白衣頭著華鬘中外相稱如是迦葉多聞持戒被服法衣受他供養亦復如是又大

迦葉四種破戒比丘似善持戒何謂爲四有一比丘
具足持戒大小罪中心常怖畏所聞戒法皆能履行
身業清淨口業清淨意業清淨正命清淨而是比丘
說有我論是初破戒似善持戒復次迦葉有一比丘
誦持戒律隨所說行身見不滅是名第二破戒比丘
似善持戒復次迦葉有一比丘具足持戒取衆生相
而行慈心聞一切法本來無生心大驚怖是名第三
破戒比丘似善持戒復次迦葉有一比丘具足修行
十二頭陀見有所得是名第四破戒比丘似善持戒
復次迦葉善持戒者無我無我所無作無非作無有
所作亦無作者無行無非行無色無名無相無非相
無滅無非滅無取無捨無可取無可棄無衆生無衆
生名無心無心名無世間無非世間無依止無非依
止不以戒自高不下他戒亦不憶想分別此戒是名
諸聖所持戒行無漏不繫不受三界遠離一切諸依
止法爾時世尊欲明了此義而說偈言

清淨持戒者 無垢無所有 持戒無惱慢
亦無所依止 持戒無愚癡 亦無有諸縛
持戒無塵汙 亦無有違失 持戒心善轉
畢竟常寂滅 遠離於一切 憶想之分別

解脫諸動念 是淨持佛戒 不貪惱身命
不用諸有生 修習於正行 安住正道中
是名爲佛法 真實淨持戒 持戒不染世
亦不依世法 達得智慧明 無闇無所有
無我無彼想 已知見諸相 是名爲佛法
真實淨持戒 無此無彼岸 亦無有中間
於無此彼中 亦無有所著 無縛無諸漏
亦無有欺詭 是名爲佛法 真實淨持戒
心不著名色 不生我我所 是名爲安住
真實淨持戒 雖行持諸戒 其心不自高
亦不以爲上 遇戒求聖道 是名爲真實
清淨持戒相 不以戒爲最 亦不貴三昧
過此二事已 修習於智慧 空寂無所有
諸聖賢之性 是清淨持戒 諸佛所稱讚
心解脫身見 除滅我我所 信解於諸佛
所行空寂法 如是持聖戒 則爲無有比
依戒得三昧 三昧能修慧 依因所修慧
逮得於淨智 已得淨智者 具足清淨戒
說是語時五百比丘不受諸法心得解脫三萬二千
人遠塵離垢得法眼淨五百比丘聞是深法心不信

解不能通達從坐起去爾時大迦葉白佛言世尊是五百比丘皆得禪定不能信解入深法故從坐起去佛語迦葉是諸比丘皆增上慢聞是清淨無漏戒相不能信解不能通達佛所說偈其義甚深所以者何諸佛菩提極甚深故若不厚種善根惡知識所守信解力少難得信受又大迦葉是五百比丘過去迦葉佛時爲外道弟子到迦葉佛所欲求長短聞佛說法得少信心而自念言是佛希有快善妙語以是善心命終之後生忉利天忉利天終生間浮提於我法中而得出家是諸比丘深著諸見聞說深法不能信解隨順通達是諸比丘雖不通達以聞深法因緣力故得大利益不生惡道當於現身得入涅槃爾時佛語須菩提言汝往將是諸比丘來須菩提言世尊是人尚不能信佛語況須菩提耶佛卽化作二比丘隨五百比丘所向道中諸比丘見已問化比丘汝欲那去答言我等欲去獨處修禪定樂所以者何佛所說法不能信解諸比丘言長老我等聞佛說法亦不信解欲至獨處修禪定行時化比丘語諸比丘言我等當離自高逆諍心應求信解佛所說義所以者何無高無諍是沙門法所說涅槃名爲滅者爲何所滅是身

之中有我滅耶有人有作有受有命而可滅耶諸比丘言是身之中無我無人無作無受無命而可滅者但以貪欲瞋癡滅故名爲涅槃化比丘言汝等貪欲瞋癡爲是定相可滅盡耶諸比丘言貪欲瞋癡不在於內亦不在外不枉中間離諸憶想是則不生化比丘言是故汝等莫作憶想若使汝等不起憶想分別法者卽於諸法無染無離無染無離者是名寂滅所有戒品亦不往來亦不滅盡定品慧品解脫解脫知見品亦不往來亦不滅盡以是法故說爲涅槃是法皆空遠離亦不可取汝等捨離是涅槃想莫隨於想莫隨非想莫以想捨想莫以想觀想若以想捨想者則爲想所縛汝等不應分別一切受想滅定一切諸法無分別故若有比丘滅諸受想得滅定者則爲滿足更無有上化比丘說是語時五百比丘不受諸法心得解脫來詣佛所頭面禮足在一一面立爾時須菩提問諸比丘言汝等去至何所今何從來諸比丘言佛所說法無所從來去無所至又問誰爲汝師答言我師先來不生亦無有滅又問汝等從何聞法答言無有五陰十二入十八界從是聞法又問云何聞法答言不爲縛故不爲解脫故又問汝等習行何法答

言不爲得故不爲斷故又問誰調伏汝答言身無定
相心無所行是調伏我又問何行心得解脫答言不
斷無明不生明故又問汝等爲誰弟子答言無得無
知者是彼弟子又問汝等已得幾何當入涅槃答言
猶如如來所化入涅槃者我等當入又問汝等已得
已利耶答言自利不可得故又問汝等所作已辦耶
答言所作不可得故又問汝等修梵行耶答言於三
界不行亦非不行是我梵行又問汝等煩惱盡耶答
言一切諸法畢竟無盡相故又問汝等破魔耶答言
陰魔不可得故又問汝等奉如來耶答言不以身心
故又問汝等住福田耶答言無有住故又問汝等斷
於生處往來耶答言無常無斷故又問汝等隨法行
耶答言無礙解脫故又問汝等究竟當至何所答言
隨於如來化人所至須菩提問諸比丘時有五百比
丘不受諸法心得解脫三萬二千人遠塵離垢得法
眼淨爾時會中有普明菩薩白佛言世尊菩薩欲學
是寶積經者當云何住當云何學佛言菩薩學是經
所說皆無定相而不可取亦不可著隨是行者有大
利益普明譬如有人乘坏船欲渡恒河以何精進乘
此船渡答言世尊以大精進乃可得渡所以者何恐

中壞故佛告普明菩薩亦爾欲修佛法當勤精進倍復過是所以者何是身無常無有決定壞敗之相不得久住終歸磨滅未得法利恐中壞故我在大流爲度衆生斷於四流故當習法船乘此法船往來生死度脫衆生云何菩薩所習法船謂平等心一切衆生爲船因緣習無量福以爲牢厚清淨戒板行施及果以爲莊嚴淨心佛道爲諸材木一切福德以爲具足堅固繫縛忍辱柔軟憶念爲釘諸菩提分堅強精進最上妙善法林中出不可思議無量禪定福德業成善寂調心以爲師匠畢竟不壞大悲所攝以四攝法廣度致遠以智慧力防諸怨賊善方便力種種合集四大梵行以爲端嚴四正念處爲金樓觀四正勤行四如意足以爲疾風五根善察離諸曲惡五力彌浮七覺覺悟能破魔賊入八真正道隨意到岸離外道濟止爲調御觀爲利益不著一邊有因緣法以爲安隱大乘廣博無盡辯才廣布名聞能濟十方一切衆生而自唱言來上法船從安隱道至於涅槃度身見岸至佛道岸離一切見如是普明菩薩摩訶薩應當修習如是法船以是法船無量百千萬億阿僧祇劫在生死中度脫漂沒長流衆生又告普明復有法行

0 1 2 3 4 5 6 7 8 9 20 1 2 3 4 5 6 7 8 9 20

能令菩薩疾得成佛謂諸所行真實不虛厚習善法
深心清淨不捨精進樂欲近明修習一切諸善根故
常正憶念樂善法故多聞無厭具足慧故破壞憍慢
增益智故除滅戲論具福德故樂住獨處身心離故
不處憍鬧離惡人故深求於法依第一義故求於智
慧通達實相故求於真諦得不壞法故求於空法所
行正故求於遠離得寂滅故如是普明是爲菩薩疾
成佛道說是經時普明菩薩大迦葉等諸天阿修羅
及世間人皆大歡喜頂戴奉行

校讌

第五紙

十七行所宋藏作邪正

第七紙

十九行者上宋南藏

有法

音釋

薩婆若 梵語也此云一聾 胡刀切
切智若爾者切 哭也 淚泥 滴於泥謂
滓濁水 音滴水 憤鬧 憤古對切鬧女教切
泥也 滴點也 憤鬧 憤鬧謂憤亂喧鬧也
董切 慨郎計切 憼 憼力 憼謂多惡不調也

渾源州北丘明福明堂海子村由本科沙潤驛楊太成原漢宗泰氏原字慶雲
氏賀發編溫尚賓崔承銀李仁登室任氏男李國富侯氏共施貲刻此
天寶積經第一百二十一卷敘川沙彌性淨對儀真王國英書進賢洪以忠刻
舊曆乙未仲秋徑山興聖寺譯

得解脫故於三脫門無所疑故安住聖人所行法故
善修四念處故離一切不善法故安住四正勤故善
修四如意足故成就信根故信佛法僧故成就堅信
於佛法僧故不信餘道法故勤行離一切煩惱故善
修七菩提分離一切不善如實修一切善法故善知
正念正智方便故專念一切諸善法故善知定慧方
便故成就五力故不爲一切煩惱之所亂故善修七
菩提分故善知一切法中因緣方便故善知聖道方
便故善知正見正定方便故得四辯力不信外道故
依義不依語依智不依識依了義經不依不了義經
依法不依人故離四魔故善知五陰故斷一切煩惱
故得最後身故離生死道故離一切愛故勤行知苦
斷集證滅修道故善見四聖諦故於佛法中不信餘
道故所作已辦故斷一切漏故修八背捨故釋梵天
王之所讚故從本已來專心行道故樂阿蘭若處故
安住聖法中故樂佛法儀式故心不傾動故不親近
出家在家衆故心樂獨行如犀角故畏於人衆多惱
亂故樂住獨處故常怖畏三界故得實沙門果故離
一切希望故離世八法故所謂利衰毀譽譏譏苦樂
堅心不動如地故護彼我意無所犯故不濁故正行

故心行成就如虛空故於諸形相心無染著如虛空中動手無所礙故迦葉若能成就如是行法是名沙門爾時摩訶迦葉白佛言世尊未曾有也如來善說沙門德行世尊若未來世有諸沙門非實沙門自言我是沙門非梵行人自言我有梵行如是之人卽已侵損如來無量阿僧祇劫所修習阿耨多羅三藐三菩提佛告迦葉如是侵損如來菩提之罪說不可盡迦葉我滅度後汝及餘大弟子等亦皆滅度又此世界諸大菩薩皆至他方諸佛世界爾時於我法中當有比丘於諸所行心多詭曲迦葉我今當說沙門之垢沙門過罪迦葉後末法中當有比丘不修身不修戒不修心不修慧癡如小兒向於闇冥而無所知心不調伏成沙門垢迦葉云何沙門垢迦葉沙門之垢有三十二出家之人所應遠離何等三十二欲覺是沙門垢瞋覺是沙門垢惱覺是沙門垢自讚是沙門垢毀他是沙門垢邪求利養是沙門垢因利求利是沙門垢損他施福是沙門垢覆藏罪過是沙門垢親近在家人是沙門垢親近出家人是沙門垢樂於衆閑是沙門垢未得利養作方便求是沙門垢於他利養心生希望是沙門垢自於利養心不知足是沙門

垢於他利養中心生嫉妬是沙門垢常求他過是沙
門垢不見已過是沙門垢於解脫戒而不堅持是沙
門垢不知慚愧是沙門垢無恭敬意心慢掉動無有
羞恥是沙門垢起諸結使是沙門垢逆十二因緣是
沙門垢攝取邊見是沙門垢不寂滅不離欲是沙門
垢樂於生死不樂涅槃是沙門垢好樂外典是沙門
垢五蓋覆心起諸煩惱是沙門垢不信業報是沙門
垢畏三脫門是沙門垢謗深妙法不寂滅行是沙門
垢於三寶中心不尊敬是沙門垢迦葉是名沙門三
十二垢若能離此諸垢是名沙門迦葉又有八法覆
沙門行何等八一者不敬順師長二不尊敬法三不
善思惟四所未聞法聞已誹謗五聞無衆生無我無
命無人法已心生驚畏六聞一切行本來無生已而
解有爲法不解無爲法七聞說次第法已墮大深處
八聞一切法無生無性無出已而心迷沒迦葉是名
八法覆於沙門行如是八法出家沙門應當遠離迦
葉我不說剃頭法服名爲沙門所謂有功德儀式具
足者乃名爲沙門迦葉沙門身服袈裟心應遠離貪
恚癡行何以故心無貪恚癡行我乃聽著袈裟迦葉
若心有貪恚癡法而身著袈裟除專心持戒餘不持

戒人則爲燒滅袈裟何以故聖人表式隨順寂滅行
慈悲心離欲滅者之所應服迦葉汝今聽我說聖人
表式有十二事何等十二迦葉持戒是聖人表式禪
定是聖人表式智慧是聖人表式解脫是聖人表式
解脫知見是聖人表式入四聖諦是聖人表式能解
十二因緣是聖人表式行四無量心是聖人表式行
於四禪是聖人表式行四無色定是聖人表式入四
向正定是聖人表式斷一切漏是聖人表式迦葉是
名聖人十二表式迦葉若有比丘不具足聖人十二
表式身服袈裟者我說此比丘是邪法行非寂滅行
離佛法行不近涅槃順生死行爲魔所拘不度生死
於正法退而行邪法迦葉是故出家比丘身服袈裟
時若未得沙門果者應以八法敬重袈裟何等八於
身袈裟應起塔想世尊想寂滅想慈想敬如佛想慚
想愧想令我來世離貪恚癡具沙門法想迦葉是名
八法敬重袈裟迦葉若有於四聖種不行知足離沙
門法亦不以此八法敬重袈裟者而彼別有似沙門
數墮小地獄迦葉彼地獄中似沙門者於中受罪衣
鉢支體皆悉熾然坐卧之處凡有所用物亦皆熾然
如大火聚似沙門者受如是罪何以故成就不淨身

口意業故墮是罪處迦葉若非沙門自言我是沙門
非梵行者自言我有梵行若有持戒功德具足人所
右達恭敬尊重者若破戒比丘受其禮敬供養而不
自知惡彼惡比丘以是不善根故得八輕法何等八
一作愚癡二口瘡瘍三受身矬陋四顏貌醜惡其面
側戾見者嗤笑五轉受女人身作貧窮婢使六其形
羸瘦天損壽命七人所不敬常有惡名八不值佛世
迦葉是破戒比丘受持戒者禮敬供養得如是八輕
法迦葉破戒比丘聞如是法已應當不受持戒比丘
禮敬供養迦葉若有非沙門自言我是沙門非梵行
自言我有梵行於此大地乃至無有涕唾分處況舉
足下足去來屈伸何以故過去大王持此大地施與
持戒有行德者令於中行道迦葉是破戒比丘舉足
下足處一切信施不及此人況僧坊及招提僧舍經
行之處若有房舍床敷園林所有衣鉢卧具醫藥一
切信施所不應受迦葉我今當說若有非沙門自言
我是沙門非梵行我有梵行不能必報信施如
一毛端何以故聖衆福田猶如大海最妙竢勝於中
若有施主淨心信故以施種子種福田中如此施主
起無量施想迦葉若有破戒比丘如分一毛以爲百

分若惡比丘受信施如一毛分隨所受毛分卽損失
施主爾所大海福報之分不能畢報迦葉是故應淨
其心受他信施迦葉應如是學爾時衆中有淨行少
欲離杌比丘二百人聞說是已欷淚而白世尊我今
當歟不欲以不得沙門果受他信施乃至一食佛言
善哉善哉善男子汝如是慚愧畏於後世喻如金剛
即是現世瓔珞善男子我今當說世有二人應受信
施何等二一者勤行精進二者得解脫者佛告比丘
若有比丘得解脫者行善法者如我所說堅持戒者
觀一切行無常苦一切法無我者觀涅槃寂滅願求
欲得如是比丘受他信施博如須彌必能報是信施
之福若有比丘受信施主施令此施主得大利益得
大果報何以故常生福德有三種福一常施食二僧
坊舍三行慈心此三福中慈心最勝佛告比丘若有
比丘從施主受施若衣鉢卧具飲食湯藥受已若入
無量定令彼施主得無量福得無量報迦葉譬如三
千大千世界所有大海尚可竭盡而此施主所得福
報不可得盡迦葉當知破戒比丘損於施主爾所福
德若受施主施已行於惡法損他信施迦葉如是說
沙門垢沙門過罪沙門詣曲沙門中賊迦葉持戒比

1234567892012345678921
丘應當專念遠離如是一切惡法迦葉所謂沙門者
眼不流色中耳鼻舌身意不流法中是故謂之沙門
選擇六入了達六通專念六念安住六敬法行六重
法是謂沙門

比丘品第二

爾時佛告迦葉所言比丘比丘者能破煩惱故名比
丘破我想衆生想人想男想女想是謂比丘復次迦
葉有修戒修慧是名比丘復次迦葉離恐畏故度三
有四流故見有及流諸過患故離一切有及流故安
處無畏道故是名比丘迦葉若有比丘自知不成就
如是之法及餘善法又離是法行於餘道迦葉彼比
丘非我弟子我非彼師迦葉多有惡比丘壞我佛法
迦葉非九十五種外道能壞我法亦非諸餘外道能
壞我法除我法中所有癡人此癡人輩能壞我法迦
葉譬如師子獸中之王若其歾已虎狼鳥獸無有能
得食其肉者迦葉師子身中自生諸蟲還食其肉迦
葉於我法中出如是等諸惡比丘貪慳利養爲貪利
所覆不滅惡法不修善法不離妄語迦葉如是比丘
能壞我法迦葉有四法成就當知是惡比丘何等四
貪恚癡及我慢者是名惡比丘復有四法成就當知

是惡比丘何等四傲慢自大無慚無愧不慎口過是
名惡比丘復有四法成就當知是惡比丘何等四掉
動輕他貪求利養多行非法是名惡比丘復有四法
成就當知是惡比丘何等四多有奸偽幻惑於人多
行邪命多說惡言是名惡比丘復有四法成就當知
是惡比丘何等四現受他恩不知報之小恩於他責
望大報先受他恩而不憶念侵損親友是名惡比丘
復有四法成就當知是惡比丘何等四受人信施失
他福報不善護戒輕所受戒不堅持律是名惡比丘
復有四法成就當知是惡比丘何等四有我論有眾
生論有命論有人論是名惡比丘復有四法成就當
知是惡比丘何等四不敬佛不敬法不敬僧不敬戒
是名惡比丘復有四法成就當知是惡比丘何等四
若僧和合而心不悅不樂獨處樂於衆中常論世俗
所有言說是名惡比丘復有四法成就當知是惡比
丘何等四求於利養求大名稱求多知識不住聖種
是名惡比丘復有四法成就當知是惡比丘何等四
繫屬於魔爲魔所害多於睡眠作善不喜是名惡比
丘復有四法成就當知是惡比丘何等四於佛法中
朽敗心懷諛謔爲煩惱所害離沙門果是名惡比丘

復有四法成就當知是惡比丘何等四爲婬欲所燒
瞋恚所燒愚癡所燒亦爲一切煩惱所燒是名惡比
丘復有四法成就當知是惡比丘何等四多遊婬里
不知過惡不知知足雖多學問不知知足於所須物
常懷慳心不能施他是名惡比丘復有四法成就當
知是惡比丘何等四從闇入闇從癡入癡不見聖諦
多生疑惑常爲生死之所繫縛閉涅槃門是名惡比
丘復有四法成就當知是惡比丘何等四身多奸行
口多奸行意多奸行儀式多奸行云何身多奸行安
詳而行是身奸行不左右視是身奸行若左右視不
過一尋是身奸行邪命著衣是身奸行諛詭行於空
閑之處不求空閑所行之法諛詭乞食不觀乞食相
諛詭著糞掃衣不知爲慚愧故諛詭行於山窟樹下
不知分別十二緣行諛詭服於陳故棄藥不求甘露
法藥迦葉是名身多奸行迦葉云何口多奸行他識
我他請我如所求我已得我不求利養而他送與我
細妙供養我皆得多利養我亦得我常行善法應受
供養我善問答我能順法相我能逆法相我於一切
法解義非義他若如是問我我能如是答答已伏彼
令其嘿然我說是已能令大衆一切喜悅亦令一切

歎言善哉令彼衆人請我供養得供養已復令施主
請我數來迦葉若有不調伏口而有所說一切所言
皆非正言是口多奸行迦葉是名口多奸行迦葉云
何意多奸行心所牽連貪求利養衣鉢卧具飲食醫
藥而口說言一切利養我所不須心實多求而詐言
知足是名意多奸行爾時世尊而說偈言

心求利養

口言知足

邪命求利

常無快樂

其心多奸

欺誑一切

如此之心

都不清淨

諸天龍神

有天眼者

諸佛世尊

咸共知見

迦葉如是惡比丘離善法儀式作邪命行墮三惡道
旃陀羅沙門品第三

佛告迦葉云何旃陀羅沙門迦葉譬如旃陀羅常於
冢間行求死屍無慈悲心視於衆生得見死屍心大
喜悅迦葉如是沙門旃陀羅常無慈心至施主家行
不善心所求得已生責重心從施主家受利養已不
教施主佛法毗尼爲利養故親近在家不爲法故亦
無慈心常求利養迦葉是名沙門旃陀羅迦葉如旃
陀羅爲一切人之所捨離所謂大臣長者及諸小王
刹利婆羅門并餘庶民乃至下賤之所遠離不欲共

作知識迦葉如是沙門旃陀羅亦爲一切之所遠離
所謂持戒有德人所敬者比丘比丘尼優婆塞優婆
夷天龍鬼神及乾闥婆知其破戒行惡法故迦葉是
名沙門旃陀羅迦葉如旃陀羅所有衣服飲食諸所
用物盡非好人之所愛樂亦不受用迦葉如是沙門
旃陀羅若有衣鉢所用之物皆是破戒非法身口意
業諛詭所得持戒沙門婆羅門捨不愛樂亦不受用
於此人所生哀愍心迦葉是名沙門旃陀羅迦葉如
旃陀羅以愧心持所用器從他乞食迦葉如是沙
門旃陀羅以愧心入於房舍及至他家或到衆中
亦以愧心至於佛所亦以愧心禮如來塔亦以愧心
去來屈伸亦以愧心行住坐卧一切所行皆有愧心
覆藏惡法故迦葉我今當說旃陀羅人所至之處不
到善處何以故自行惡法故迦葉如是沙門旃陀羅
所至之處亦不到善道多作惡業無遮惡道法故迦
葉是名沙門旃陀羅迦葉云何沙門敗壞迦葉譬如
好酒香味具足是酒之醍醐取已盡下有糟滓人
所惡賤無所施用迦葉如是敗壞沙門離於法味取
煩惱滓人所惡賤無所施用離持戒香臭諸煩惱若
有至處不能自利亦不益他迦葉是名敗壞沙門迦

葉敗壞者如有所食變爲糞穢臭惡不淨人所厭離
迦葉如是敗壞沙門猶如糞穢以身口意業不清淨
故迦葉是名敗壞沙門迦葉譬如敗種種大地中終
不生芽實迦葉如是敗壞沙門雖在佛法中不生善
根不得沙門果迦葉是名敗壞沙門迦葉云何沙門
篋迦葉譬如畫篋巧工所成中盛臭穢種種不淨迦
葉如是沙門篋外現成就似沙門行內有種種垢穢
行諸惡業迦葉是名沙門篋迦葉云何沙門构欄茶
迦葉譬如构欄茶華色貌鮮好其體堅韌猶如木石
其氣臭穢猶如糞塗有智之人若見此華不近不觸
遠避而去愚人若見不知過患近而觸之迦葉如是
沙門构欄茶現似沙門行而有麤獷慳慢自高臭穢
不淨又作破戒無儀式行破於正見迦葉如是沙門
构欄茶智者不親近不禮敬右達以惡人故而遠離
之迦葉若有癡如小兒彼諸癡人之所親近禮敬右
達信受其語如构欄茶華爲癡人所捉迦葉是名沙
門构欄茶迦葉云何沙門求利迦葉譬如諛詭之人
心常慳惜爲貪所覆若見他財物希望欲得畜利刀
仗無慚愧心無哀愍心常有害心若行空澤山林聚
落發如是心於他財物希求欲得常自藏身不令他

見迦葉如是沙門求利心常慳惜爲食所覆於所得
利心無知足於他財物希望欲得有所至處聚落城
邑常爲利養不爲善法覆藏諸惡謂善比丘知我破
戒知已若說戒時或驅我出於善比丘但生恐畏心
常諛詭現行儀式一切天龍鬼神有天眼者知此比
丘來時賊來去時賊去行時賊行坐時賊坐卧時賊
卧起時賊起取衣時賊取衣著衣時賊著衣入聚落
時賊入聚落出聚落時賊出聚落食時賊食飲時賊
飲剃髮時賊剃髮迦葉如是癡人去來儀式皆爲天
龍鬼神之所知見見已訶罵如此惡人卽爲壞滅擇
迦牟尼佛法作是訶責諸惡比丘又彼諸天龍鬼神
見持戒梵行沙門婆羅門增益信心禮敬尊重此人
於佛法中應受利養者迦葉此沙門求利於佛法中
出家不能生一念寂滅離欲之心況得沙門果若得
者無有是處迦葉是名沙門求利迦葉云何裨沙
門迦葉譬如麥田中生稗麥其形似麥不可分別爾
時田夫作如是念謂此稗麥盡是好麥後見穗生爾
乃知非不得名言一切是麥迦葉如是稗沙門在於
衆中似是持戒有德行者施主見時謂盡是沙門而
彼癡人實非沙門言是沙門非梵行人自言梵行先

來敗壞離於持戒亦不入衆數於佛法中無智慧命
當墮惡道猶如稗麥在好麥中爾時天龍鬼神有天
眼者見彼癡人墮於地獄見已各相謂言此是癡人
先似沙門行不善法今當墮於大地獄中從今已後
終不能得沙門德行及沙門果猶如稗麥在好麥中
迦葉是名釋沙門迦葉云何蒲生沙門迦葉譬如蒲
生稻苗以不熟故名爲蒲生以無實故風所吹去無
堅重力似稻非稻迦葉如是蒲生沙門形似沙門無
人教呵無有德力爲魔風所吹亦無血氣持戒之力
離於多聞損失定力亦遠於智不能破壞諸煩惱貳
名如是人輕劣無力繫屬於魔爲魔所拘沒在一切
煩惱之中爲魔風所吹如蒲生稻迦葉蒲生之稻不
中爲種亦不生芽迦葉如是蒲生沙門於佛法中無
道種子於賢聖法中不得解脫迦葉蒲生沙門者所
謂破戒行惡是名蒲生沙門迦葉云何形似沙門迦
葉譬如巧工以金塗銅其色似金價不同金若揩磨
浴身齊整著衣沙門儀式一切具足去來屈伸常正
儀式而彼常爲貪恚癡所害亦爲利養禮敬讚歎所
害亦爲我慢增上慢一切煩惱所害雖爲人所貴無

貴重法常勤嚴身慚望飲食不求聖法不畏後世現
見尊重非將來尊重但長肌肥依於利養非依於法
種種繫縛勤作家業順在家心亦隨所受苦時受苦
樂時受樂爲愛憎所害於沙門法無心欲行離諸儀
式必當墮於地獄餓鬼畜生彼人無沙門實無沙門
稱不與沙門等迦葉是名形似沙門迦葉云何失沙
門血氣迦葉譬如男子若女人若童男若童女非人
食其血氣彼人羸瘦無有色方由失血氣故迦葉如
是之人失血氣故諸藥咒術及諸刀仗所不能治必
至於死迦葉如是沙門無有持戒定慧解脫解脫知
見血氣及慈悲喜捨血氣亦無行施調伏護身口意
業血氣亦無安住四聖種血氣無有儀式血氣亦無
淨身口意血氣迦葉是名沙門失於血氣迦葉如失
血氣沙門雖受如來法藥不以自度法藥者所謂若
起姪欲應觀不淨若起瞋恚應行慈心若起愚癡應
觀十二因緣於諸煩惱應正思惟離於樂衆捨我所
有出家三事應當愛護三事者所謂持戒清淨其心
調伏入定不亂迦葉如是法藥我之所說我所聽服
雖受此藥不以自度迦葉又有出世法所謂空觀無
相無作觀陰界入知四聖諦及十二因緣迦葉如是

1 2 3 4 5 6 7 8 9 10

20

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

101

102

103

104

105

106

107

108

109

110

111

112

113

114

115

116

117

118

119

120

121

122

123

124

125

126

127

128

129

130

131

132

133

134

135

136

137

138

139

140

141

142

143

144

145

146

147

148

149

150

151

152

153

154

155

156

157

158

159

160

161

162

163

164

165

166

167

168

169

170

171

172

173

174

175

176

177

178

179

180

181

182

183

184

185

186

187

188

189

190

191

192

193

194

195

196

197

198

199

200

201

202

203

204

205

206

207

208

209

210

211

212

213

214

215

216

217

218

219

220

221

222

223

224

225

226

227

228

229

230

231

232

233

234

235

236

237

238

239

240

241

242

243

244

245

246

247

248

249

250

251

252

253

254

255

256

257

258

259

260

261

262

263

264

265

266

267

268

269

270

271

272

273

274

275

276

277

278

279

280

281

282

283

284

285

286

287

288

289

290

291

292

293

294

295

296

297

298

299

300

301

302

303

304

305

306

307

308

309

310

311

312

313

314

315

316

317

318

319

320

321

322

323

324

325

326

327

328

329

330

331

332

333

334

335

336

337

338

339

340

341

342

343

344

345

346

347

348

349

350

351

352

353

354

355

356

357

358

359

360

361

362

363

364

365

366

367

368

369

370

371

372

373

374

375

376

此事難故迦葉於佛法中種種出家種種性種種心
種種解脫種種斷結或有阿蘭若或有乞食或有樂
住山林或有樂近聚落清淨持戒或有能離四柵或
有勤修多聞或有辯說諸法或有善持戒律或有善
持毗尼儀式或有遊諸城邑聚落爲人說法有如是
等諸比丘僧營事比丘善取如是諸人心相迦葉若
阿蘭若比丘樂空閑處營事比丘一切役使不應令
作有時阿蘭若比丘在比丘僧次役使而營事比丘
應當代作若自不作應倩他人令代爲之不應役使
阿蘭若比丘若非行道時可少令作迦葉若有乞食
比丘彼營事比丘於乞食比丘應與好食若有比丘
能離四柵營事比丘隨所須物應當供給所謂衣服
飲食卧具醫藥若離柵比丘所住之處營事比丘於
其住處不應高聲大喚亦不令他高聲大喚欲防護
離柵比丘故營事比丘於離柵比丘應生尊敬如世
尊想生如是念如是比丘於佛法中能作法柱當隨
所須而供給之迦葉若有勤修多聞比丘營事比丘
應當勸喻作如是言大德勤修多聞讀誦令利我當
爲諸大德供給使令若諸大德勤修多聞於比丘僧
中是好瓊珞能昇高座廣說正法亦自生智慧營事

比丘不應非時役使應當擁護令修多聞迦葉若有說法比丘營事比丘應事事供給應將說法比丘至城邑聚落勸喻諸人令就聽法說法之處亦應供給爲說法人敷好高座若有比丘強自以力欲壞說法者營事比丘應往和解亦應數往說法人所稱言善哉迦葉若有比丘善持戒律善持毗尼義營事比丘應往其所數數問義我云何營事令不得罪自無所損不害於他持毗尼義比丘應觀營事者心隨所營事而爲說法所謂是應作是不應作營事比丘於持律人所一心生信禮敬供養若比丘僧所有分物應當隨時供給於僧不應藏舉暗僧所須應當分與應與時與不惡心與不以非法與非欲心與非瞋心與非癡心與非畏心與隨僧法行非隨在家行隨僧制行非自隨制行不於僧物生自在想乃至小事與僧共斷非自枉斷若所用物所謂常住僧物及與佛物若招提僧物彼營事比丘應當分別常住僧物不應與招提僧物招提僧物不應與常住僧常住僧物不應與招提僧物共襍招提僧物不應與常住僧物共襍常住僧物招提僧物不與佛物共襍佛物不與常住僧物招提僧物共襍若常住僧物多而招提僧有所

須者營事比丘應集僧行籌索欲若僧和合應以常
住僧物分與招提僧迦葉若如來塔或有所須若欲
敗壞者若常住僧物若招提僧物多營事比丘應集
僧行籌索欲作如是言是佛塔壞今有所須此常住
僧物招提僧物多大德僧聽若僧時到僧忍聽若僧
不惜所得施物若常住僧物若招提僧物我今持用
修治佛塔若僧和合營事比丘應以僧物修治佛塔
若僧不和合營事比丘應餘勸化在家人輩求索財
物修治佛塔迦葉若佛物多者營事比丘不得以佛
物分與常住僧及招提僧何以故於此物中應生世
尊想佛所有物乃至一線皆是施主信心施佛是故
諸天世人於此物中生佛塔想而況寶物若於佛塔
先以衣施此衣於佛塔中寧令風吹雨爛破盡不應
以此衣貿易寶物何以故如來塔物無人能與作價
者又佛無所須故迦葉有如是善淨營事人者三寶
之物不應令裸又於自利養心常知足三寶物中不
生我所有想迦葉營事比丘若生瞋心而於持戒大
德人所右達禮敬之者以自在故驅令役使是故營
事比丘以瞋心緣故墮大地獄若得爲人作他奴僕
常爲其主苦驅役使人所鞭打復次迦葉若營事比

10
1 2 3 4 5 6 7 8 9 20 1 2 3 4 5 6 7 8 9 20
丘以自在故更作重制過僧常限謫罰比丘非時令
作是營事比丘以此不善根故墮於多釘小地獄中
生此中已以百千釘釘挖其身其身熾然出大火焰
如大火聚若於持戒有大德者以重事怖之以瞋心
語故彼營事比丘生地獄中其所得舌長五百由旬
以百千釘而釘其舌一一釘中出大火焰迦葉若營
事比丘數得僧物慳惜藏舉或非時與僧或復難與
或困苦與或少與或不與或有與者或不與者營事
比丘以此不善根故墮穢惡餓鬼常食糞丸此人命
終當生是中爾時更有餓鬼以食示之而復不與此
鬼爾時希望欲得諦視此食目不曾昫受饑渴苦於
百千歲中常不得食或時得食變爲糞屎或作膿血
何以故有持戒人人所敬禮僧所有物以自在故而
難與之迦葉若營事比丘以常住僧物若招提僧物
及以佛物輒自襍用得大苦報若受一劫若過一劫
何以故以侵三寶物故迦葉若營事比丘聞如是罪
知如是罪而故生瞋心於持戒者我今說此諸佛世
尊所不能治迦葉是故營事比丘聞如是非法罪已
應當善護身口意業自護亦護他迦葉營事比丘寧
自噉身肉終不裸用三寶之物作衣鉢飲食爾時摩

訶迦葉白佛言世尊未曾有也如來自以慈心說如是法爲無慚愧者說無慚愧法有慚愧者說慚愧法大寶積經卷第一百一十三

校譌

第三紙

八行樂上 南宋藏無

第六紙

十三行少字北藏無

第十二紙

十四紙

七行是南宋藏作者中宋南藏無

第十四紙

蒲南宋藏作連後多倣此

第十

五紙

七行與十六行形字南宋藏無

第十九紙

八行應南宋藏無

音釋

恭恪

格克各切敬也亦恭也

瘡痘

瘡於金切痘么下切

杖陋

矬徂

禾切短也陋徂祖也

側戾

側札色切傍側也

嗤

笑

嗤充之切笑也

夭損

蘇本切傷也損也

離杌

與輒

同離杌謂苦也

杖淚

杖武粉也

醉

離煩惱

苦惱也

杖淚

杖武粉也

醉

曹切

酒淨也

敗種

種主勇切敗種

謂朽壞

滓則

史切水淨也

敗種

種主勇切敗種

謂朽壞

比

比亦罰也

杖

杖武粉也

杖

音舜

目

動也

津源州賈庄村裴希懋室張氏
裴希懋室張氏
王崇庫室劉氏
工登祿室黃氏
下墮
村張大林室張氏
張科室張氏
張氏男劉汝貴
李氏男張鳳鳴
高氏長施質刻
人寶積經第一百十三卷
敘州沙彌性淨對
暨寧唐任登書
進賢萬鑄刻
萬曆乙未仲冬徑山興聖萬壽禪寺誠

012345678920

12345678920

12345678920

經

大寶積經卷一百一十四

十一

字三

少羅若少

音翻譯責少亦謂

丁字

鶻音

大乘贊也

丁字

琪也

發喪也

丁字

未而限也

草也

丁字

那也

食卦也

丁字

笑也

史也

丁字

大寶

積經

卷一百一十四

寶梁

聚會

丁字

北涼沙門

釋道龔

於張掖譯

蘭若

比丘品

第五

爾時摩訶迦葉白佛言世尊若有比丘自言阿蘭若比丘世尊齊幾所名可蘭若比丘齊幾所名乞食比丘齊幾所名畜蠶掃衣比丘齊幾所名樹下比丘齊幾所名家間比丘齊幾所名露處比丘佛告迦葉阿蘭若比丘必樂阿蘭若處住阿蘭若處迦葉若阿蘭若處所謂無大聲無衆鬧聲離羣鹿虎狼及諸飛鳥

01234567892012345678921

遠諸賊盜及牧牛羊者順沙門行處如是阿蘭若處應於中修行彼比丘若欲至阿蘭若處應當思惟八法何等八一者我當捨身二者應當捨命三者當捨利養四者離於一切所愛樂處五者於山間廬當如鹿死六者阿蘭若處當受阿蘭若行七者當以法自活八者非以煩惱自活迦葉是名八法阿蘭若比丘所應思惟思惟已當至阿蘭若處迦葉阿蘭若比丘至阿蘭若處已行阿蘭若法以八行行慈於一切衆生生慈心何等八一者以慈利益二者以慈樂三者無恚慈四者正慈五者無異慈六者順慈七者觀一切法慈八者淨如虛空慈迦葉以如是八行於諸眾生生慈心迦葉阿蘭若比丘至阿蘭若處已應如是思惟我雖至遠處獨無伴侶若我行善若行不善無人教呵復作是念此有諸天龍鬼神諸佛世尊知我專心彼爲我證我今在此行阿蘭若法我不善心不得自在若我至此極遠之處獨無伴侶無親近者無我所有我今當覺欲覺恚覺惱覺餘不善法亦應當覺我今不應不異於樂衆者亦不應不異近聚落人若如是不異我卽爲詭諸天龍鬼神已諸佛見我我亦不歡悅我今若如阿蘭若法則諸天龍鬼神不見

012345678920

12345678920

12345678920

12345678920

12345678920

呵責諸佛見我卽亦歡悅迦葉阿蘭若比丘住阿蘭若處行阿蘭若法一心堅持解脫禁戒善護戒衆淨身口意無諛詭行淨於正命心向諸定如所聞法應憶念之勤正思惟趣向離欲寂滅涅槃畏於生滅觀五陰如怨家觀四大如毒蛇觀六入如空聚善知方便觀十二因緣離斷常見觀無衆生無我無人無命解法空相行於無相漸損所作而行無作心常驚畏於三界行常勤修行如救頭然常行精進終不退轉觀身實相應生如是心觀如是法當知苦本斷一切集證於滅盡勤修於道行於慈心安住四念處離不善法入善法門安住四正勤入四如意足護五善根於五力中而得自在覺七菩提分勤行八聖善道分受持禪定以慧分別諸法之相迦葉說如是法以嚴飾阿蘭若比丘作是嚴飾已住於山林初夜後夜勤修諸行不應睡眠常念欲得出世之法迦葉阿蘭若比丘凡所住處常修行道不自嚴身及諸衣服捨乾枯草以用敷坐自用坐具離常住僧及招提僧物於阿蘭若處衣服知足趣得覆身爲行聖道故迦葉阿蘭若比丘若爲乞食至城邑聚落應作是念我從阿蘭若處至是城邑聚落若得食若不得食心無憂喜

若不得食者應生喜心念宿業報我今當勤修習福
業又念如來乞食亦不時得彼阿蘭若比丘入於城
邑聚落乞食應以法莊嚴法莊嚴已然後乞食云何
法莊嚴若見適意色不應染著見不適意色亦不生
瞋若聞適意聲不適意聲若艱適意香不適意香適
意味不適意味適意觸不適意觸適意法不適意法
心無染著亦不生瞋攝護根門諦視一尋調伏其心
本所思法不令離心不以食汙心而行乞食應次第
乞食若得食處不應生喜不得食處不應生瞋若至
十家若過十家不得食者不應生憂應作是心此諸
長者及婆羅門多有諸緣不與我食又此長者諸婆
羅門乃至未曾生心念我況與我食迦葉阿蘭若比
丘若能如是於乞食中不生驚畏迦葉阿蘭若比丘
乞食時若見衆生若男若女若童男童女乃至畜生
應於是中生慈悲心我行如是精進作如是願若衆
生見我及與我食者皆生天上迦葉阿蘭若比丘若
得麤食若得細食受是食已應觀四方此村邑中誰
貧窮者當減此食以施與之若見貧人所可乞食即
分半與若不見貧者應生是心我眼所不見衆生我
所得食於中好者願施與之我爲施主彼爲受者迦

0

1

2

3

4

5

6

7

8

9

20

1

2

3

4

5

6

7

8

9

20

經

卷一百四

四

丁

葉阿蘭若比丘乞食得受食已持至阿蘭若處淨洗手足淨沙門儀式具一切淨法如法取草已結跏趺坐坐已而食心無愛著亦無貢高無有瞋心無濁亂心臨欲食時如是思惟今此身中有八萬戶虫蟲得此食皆悉安樂我今以食攝此諸蟲我得阿耨多羅三藐三菩提時以法攝取迦葉又時阿蘭若比丘食或不足應作是念我今身輕能修忍辱斷除諸惡少大小便得身輕已亦得心輕又得少睡亦不起欲想應作如是思惟迦葉阿蘭若比丘若乞食得多應生知足想應於食中減取一博置淨石上如是思惟有諸鳥獸能噉食者我以施之彼爲受者迦葉阿蘭若比丘食已洗鉢漱口洗手淨滌應器手拭令乾舉僧伽梨衣阿蘭若處行不離本所思惟法相迦葉阿蘭若比丘行阿蘭若行時若是凡夫未得沙門果或時虎狼來至其所若見不應生畏作如是念我本來至阿蘭若處時已捨身命我不應驚畏應修慈心離一切惡亦離怖畏若諸虎狼斷我命根噉我身肉當生是念我得大利以不堅身當得堅身此諸虎狼我不與食今噉我肉已身得安樂迦葉阿蘭若比丘行阿蘭若法應如是捨身命迦葉阿蘭若比丘行阿蘭若

法若有非人或作好色或作惡色來至其所於此非人不生愛心不生瞋心迦葉或有曾見佛諸天來至阿蘭若所作諸問難問難已阿蘭若比丘隨力所能隨所學法爲諸天說或時諸天有深問難阿蘭若比丘若不能答不應生於憍慢之心應作是言我不多聞汝莫輕我我今當勤修學佛法或時我得通佛法已能一切答又應勸請諸天汝等今當爲我說法我當聽受又應如是報謝言願勿嫌也復次迦葉阿蘭若比丘行阿蘭若法善修阿蘭若想猶如草木瓦石無主無我亦無所屬此身亦爾無我無命無人無衆生無諍訟此法皆從緣合而生於此法中若善思惟我當得斷一切諸見常應思惟空無相無作法迦葉阿蘭若比丘行阿蘭若法時若果藥草及諸樹林云何和合云何散滅如此外物無主無我無有我所亦無諍訟自生自滅無生滅者迦葉如艸木瓦石無我無主亦無所屬此身亦爾無我無命無人無衆生無諍訟從衆緣生緣離則滅此如實中無有一法若生若滅迦葉如是法阿蘭若比丘至阿蘭若處所應修行迦葉阿蘭若比丘行如是法若學聲聞乘疾得沙門果若有障法現世不得沙門果者不過見一佛二

佛二佛必定得斷一切諸漏若學菩薩乘現世得無
生法忍得無障法必見未來諸佛疾成阿耨多羅三
藐三菩提說此阿蘭若品時有五百比丘斷一切漏
心得解脫

乞食比丘品第六

佛告迦葉云何比丘乞食迦葉若有比丘先安住本
誓我依乞食出家我今住先誓彼比丘專念有無諛
詭離一切請食離一切僧中供養堅自莊嚴乞食比
丘於一切味中不應生好味想又於上妙食中自勸
其心生如是想我如旃陀羅應淨身心不應淨飲食
何以故食好食已一切爲糞臭穢不淨故我不應求
好食如是調伏心已若入城邑聚落次第乞食不應
生如是想男子與我食非女人女人與我食非男子
童男與我食非童女童女與我食非童男應得細食
非麤食應得美食非不美食應故與食非不故與應
易得食非不易應速得食非不速若入人村應得恭敬
非不恭敬應得新食非宿食應得富家食非貧家
食男子女人衆應來迎我迦葉乞食比丘如是不善
法不應思惟迦葉乞食比丘應如是自莊嚴此是乞
食常所行法若乞食時得與不得無有憂喜不應生

於麤細食想何以故多有衆生食著美味由著味故作諸惡業惡業因緣故墮於地獄畜生餓鬼若知足者不食美味應捨細食受取麤食除舌著味其心知足得極麤食亦當知足彼若命終生於天上或生人中生天上已食天美食迦葉如是乞食比丘離於味愛以調伏心若七日歟豆亦不生憂何以故趣活身故我今食已足以修道以是故食迦葉乞食比丘得此食分墮鉢中者如法所得如法利養應與梵行比丘共食此食迦葉乞食比丘或時有病無有使人不能乞食此應如是調伏其心我獨無侶一身出家法是我伴我應念法今我痛苦如世尊說諸比丘應念於法我所聞法應善思惟云何善思惟如實觀身如實觀身已有智慧者若獨一心能得初禪則有是處得初禪樂若一日若二日乃至七日以禪爲食其心歡悅迦葉乞食比丘行如是法若不得禪應如是勤行安住善法中有多人所知諸天龍神送食與之此是離杌報故迦葉或乞食比丘值天大雨或大風塵不能乞食爾時以慈爲食而自莊嚴於所行法安住思惟若二夜三夜不得食者應生是念有多衆生墮餓鬼中作惡業故苦惱所切乃至百歲不得一噉我

今安住諸法門中應生是念身心羸劣今我堪忍饑渴勤修聖道不應退轉迦葉乞食比丘不應親近在家之人男子女人童男童女迦葉若乞食比丘令在家人擇去食中諸不淨物於坐處坐應爲說法乃至食淨還受食已從坐起去迦葉乞食比丘不應自現諛詔云何自現諛詔若爲他人說如是言我今乞得麤惡之食又復不足與多衆共食我食少我今饑渴身力羸劣迦葉是名自現諛詔迦葉乞食比丘如是之事應當遠離迦葉乞食比丘於一切事應生捨心若食墮鉢中若麤若細若少若多若淨若不淨一切應受心無憂喜常應淨心觀諸法相趣得活身爲行聖道是故受食迦葉乞食比丘或時入於城邑聚落次第乞食若不得食空鉢而出應念如來有大威德捨轉^輪王位而行出家斷一切惡法成一切善法入村乞食尚空鉢出況我薄福不種善根不空鉢還也是故不應生憂何以故不種善根能得麤食細食無有是處我不得食或自有魔或魔所使或魔覆蔽諸婆羅門居士令我乞食不得我當勤修離於四魔斷一切煩惱若我勤修如是道已非魔波旬非魔所使能作畱難迦葉乞食比丘應如是受持聖種

糞掃衣比丘品第七

佛告迦葉畜糞掃衣比丘拾糞掃物作如是想爲慚愧故非以衣自嚴飾故爲障風吹日曝蚊虱蟻子諸惡觸故安住佛教故非求淨好故於糞掃中拾取棄物取時應生二種想何等二一者知足想二者易養想復生二想一者無慢想二者持聖種想復生二想一者不以嚴身二者令心淨故迦葉畜糞掃衣比丘於糞掃中拾取棄物時若於是處見諸親族知識見已卽止不取而作是念此諸人輩或訶責我言汝是不淨人迦葉我說是比丘不得淨行何以故畜糞掃衣比丘心堅如石外物不入亦不能動故迦葉畜糞掃衣比丘拾糞掃中物應淨浣濯令無垢膩浣已好染染已作僧伽梨善合善綴善縫善受受已應著莫令綻壞迦葉畜糞掃衣比丘安住不淨觀中著糞掃衣爲離欲故慈心著糞掃衣爲離瞋恚故觀十二因緣著糞掃衣爲離癡故正思惟著糞掃衣爲斷一切煩惱故攝護諸根著糞掃衣爲知六入故不諛詭著糞掃衣爲令諸天龍神喜悅故迦葉何故名糞掃衣迦葉譬如眾庶人所不貪不生我所心法應除棄迦葉如是糞掃衣非我非我所是易得非邪命不求他

0123456789

20123456789

10123456789

22123456789

不觀他顏色捨棄之物糞掃無異亦無所屬是故名
 粪掃衣迦葉糞掃衣是法幢以大仙人故是姓以聖
 人故是安住以聖種故是專念以善法儀式故是善
 護以戒衆故是向門以定衆故是安住以慧衆故是
 身以解脫衆故是順法以解脫知見衆故迦葉如是
 畜糞掃衣得大福德無所希求無所貪著能離慢心
 能捨重擔迦葉若有比丘畜糞掃衣以知足故諸天
 龍鬼神貪樂欲見迦葉畜糞掃衣比丘若入禪定釋
 梵四天王長跪合掌頭面作禮況餘小天迦葉若有
 惡比丘勤求衣服以嚴飾身外現淨行而內具足貪
 欲恚癡雖作如是好嚴飾身而諸天龍神不至其所
 禮敬供養何以故知此比丘勤求衣服以嚴飾身不
 除心心數法垢諸天知故則遠捨去迦葉汝見周那
 沙彌拾不淨梶穢糞掃中物乞食食已至阿耨大池
 欲浣濯之爾時池邊有常住諸天皆遠奉迎頭面作
 禮彼諸天等皆樂淨潔而取周那沙彌所捉不淨糞
 掃衣而爲浣之令無垢穢又取浣汁自以洗身諸天
 知周那能持淨戒入諸禪定有大威德是故奉迎恭
 敬作禮迦葉汝見須跋陁梵志著淨潔衣乞食已欲
 至阿耨大池時常住諸天於池四面面各五里遙遞

012345678920

12345678920

12345678920

12345678920

經

卷一百四

四

梵志不令近池恐以不淨食及以殘食汙此大池迦葉汝今現見此事以聖人正行威德故得是果周那沙彌所有不淨糞掃中物而諸天取之爲浣亦以浣汁自洗其身須跋陀梵志去池五里不令近之迦葉誰聞是已於聖法中不勤修學彼諸聖人諸天世人皆來頭面禮敬供養迦葉欲求如是聖德故畜糞掃衣迦葉畜糞掃衣比丘安住聖種不應生憂於糞掃衣應生塔想應生世尊想應生出世想應生無我無我所想如是觀已著糞掃衣應如是調伏其心由心淨故得身淨非身淨故得心淨迦葉是故當淨其心莫嚴飾身何以故由心淨故於佛法中得名梵行迦葉如是畜糞掃衣比丘能如是學則爲學我亦學於汝迦葉若汝能畜如是麤衣則便知足行於聖種迦葉汝僧伽梨若著牀上若在坐處若憂多羅僧經行則有千萬諸天禮汝僧伽梨此僧伽梨是戒定慧所薰者覆身之衣迦葉當知汝衣尚得如是尊重禮敬況汝身耶迦葉我捨轉輪王位出家學道先所著好上妙繒衣頭羅衣好細疊衣諸上妙衣一切著已我今知足行於聖種爲餘人故身捨妙服畜家間衣若當來比丘聞我此法卽得學我迦葉汝本有金縷上

1 2 3 4 5 6 7 8 9 20 1 2 3 4 5 6 7 8 9 20

衣我從汝索汝持與我迦葉我愍汝故卽爲汝受非以貪故非以嚴身故迦葉有惡比丘不能學我亦不學汝爲貪所覆多畜衣鉢積聚飲食藏舉不捨亦畜金銀瑠璃穀米牛羊鷄猪驢馬車乘犁具家業所須皆求畜之迦葉有智之人雖在於家能增善法非癡人出家得是善分云何智人在家能增長善法迦葉若有出家以袈裟遶項無沙門行多有緣事種種繫縛求好衣食著袈裟已在家人見禮敬給施衣服飲食卧具湯藥來去迎送迦葉在家之人得如是善法彼出家人無有是事何以故彼出家人多求所須不能施他故迦葉當來有比丘多畜衣鉢多有諸物時彼比丘多爲諸在家人所見禮敬尊重讚歎何以故謂是比丘多受他施或持與我我有所須能時時與迦葉或有比丘持戒見世過患勤修善法離一切漏如救頭然其心知足少諸緣事勤修自利離於一切習惡緣者而彼比丘無人往至其所無親近者無禮敬尊重讚歎者何以故彼在家人輕躁淺薄見現世利益不見後世利彼在家人人生如是心此比丘邊不得利益用親近爲用禮敬尊重讚歎爲除貧窮人少善根者宿緣應敬者迦葉如是人等親近禮敬尊重讚

歎持戒比丘以爲善知識迦葉如是說已稱可二種人意何等二一者若見四聖諦二者若見生死過患復有二一者勤行欲離四極二者欲得沙門果復有二一者專念業報二者欲知諸法相義迦葉我今閉塞一切懈怠者門所謂不知業不知業報者離善儀式者不見後世過惡喻如金剛見現世利不見後世利不生一念向解脫門者迦葉我今說彼惡比丘不應希望若說如是法若遇如是法聞如是法已自知所行不解深法而誹謗之謂非佛說是論師作或魔所說用教餘人彼惡比丘如是自害亦復害他自染垢汙亦垢汙他是惡比丘不能自利亦不利他爾時摩訶迦葉白佛言世尊如諸佛大悲故說專行比丘於諸法中得自在者如來於此經中已廣說竟世尊若有衆生聞此經已信解讀誦向如實法當知是諸衆生已爲諸佛之所攝取爾時佛告阿難若有受持是經者已於先佛種諸善根故今欲得此經讀誦通利欲得解脫所謂善男子善女人若出家學若在家學此法門能斷諸漏亦得涅槃阿難白佛言世尊我欲受持此經當何名此經云何受持佛告阿難此經名選擇一切法寶亦名安住聖種儀式亦名攝取持

經

大寶積經卷一百一十四

四

十四

戒者亦名節解破戒者亦名寶梁亦名寶聚亦名寶藏亦名諸寶法門摩訶迦葉問大乘寶梁經竟諸比丘衆聞佛所說歡喜奉行

大寶積經卷第一百一十四

音釋

漱

先奏切
蕩口也

滌

音笛洗
滌也

蟆子

蟆音莫大
子小蚊也

膩

女利切
肥膩也

渾源州掘窪村李仲永男李種室劉氏 李册室張氏男李世官室趙氏 李錦
張氏 李桐室劉氏 張朝富室馮氏 趙廷現 官世朋 童載 童漢臣 童熙昇刻
大寶積經第一百十四卷 敦州沙彌性淨對 真州王國英書 進賢萬鑑刻
舊曆乙未仲冬徑山興聖萬善禪寺識

大寶積經卷第一百一十五

唐三藏法師菩提流志奉詔譯

無盡慧菩薩會第四十五

如是我聞一時佛在王舍城耆闍崛山與大比丘衆千二百五十人俱爾時復有一萬菩薩摩訶薩俱所謂慧幢菩薩法幢菩薩月幢菩薩日幢菩薩無邊幢菩薩復有十六在家菩薩跋陀婆羅而爲上首復有六十無比喻心菩薩摩訶薩文殊師利而爲上首復有賢劫中一切菩薩摩訶薩彌勒菩薩而爲上首復有六萬菩薩摩訶薩無盡慧菩薩而爲上首爾時無

盡慧菩薩卽從坐起偏袒右肩右膝著地合掌向佛頭面禮敬以衆寶華奉散於佛而白佛言世尊所言菩提心者以何義故說菩提心菩薩復以幾法成就菩提心云何是菩提心菩提中心不可得心中菩提亦不可得離菩提心不可得離心菩提亦不可得菩提者無色無相不可言說心亦無色無相不可顯示衆生亦爾皆不可得世尊諸法如是當依何義而得修行佛言善男子汝今諦聽我說菩提者本無名字言說何以故於菩提中名字言說不可得故心及衆生亦復如是若如是知名菩提心菩提者非過去未來現在心及衆生亦非過去未來現在若知此義是名菩薩然於其中亦不可得於一切法都無所得是名得菩提心如阿羅漢得阿羅漢果而於此中都無所得唯除隨俗說言得果於一切法皆無所得得菩提心亦復如是爲欲引攝初業菩薩故說菩提心然於其中無心無心名無菩提無菩提名無衆生無衆生名無聲聞無聲聞名無獨覺無獨覺名無菩薩無菩薩名無如來無如來名無有爲無有爲名無無爲無無爲名無現得無當得善男子我今依言說如是敷演若有諸衆生善根廣大超諸衆生如須彌山出

過一切是初發心爲施波羅蜜因猶如大地善能安
住一切事業是第二發心爲戒波羅蜜因志意勇猛
安受煩惱如師子王威伏衆獸身無怖畏是第三發
心爲忍波羅蜜因勢力雄迅能伏煩惱如那羅延摧
伏異衆是第四發心爲精進波羅蜜因功德善根種
種開發如波利質多俱鞞陀羅樹其莖開敷是第五
發心爲禪波羅蜜因除去癡暗猶如日輪光明無邊
是第六發心爲般若波羅蜜因功德意樂一切莊嚴
皆得圓滿如大商主豐足財物能以巧便拔衆險難
是第七發心爲方便波羅蜜因障礙除滅意樂具足
如淨滿月是第八發心爲力波羅蜜因佛土衆生皆
悉嚴淨善法備足所作成辦譬如貧人得無盡藏所
願圓滿是第九發心爲願波羅蜜因福智無邊猶如
虛空於法自在如轉輪王已受灌頂是第十發心爲
智波羅蜜因善男子若此十種發心修習成就名爲
菩薩名爲竚勝衆生無障礙衆生非下劣衆生然以
實義不可得故故於其中無衆生無心無菩提復次
善男子菩薩行施波羅蜜以十法爲首一者信根二
者信力三者意樂四者增上意樂五者饒益衆生六
者大慈七者大悲八者行四攝法九者愛樂佛法十

者求一切智是爲十善男子菩薩行戒波羅蜜以十法爲首一者身業清淨二者語業清淨三者意業清淨四者無怨害心五者淨除惡趣六者遠離八難七者超諸聲聞辟支佛地八者安住佛功德九者滿諸希望十者成就大願是爲十善男子菩薩行忍波羅蜜以十法爲首一者捨離瞋恚二者不計其身三者不計其命四者信解五者成熟衆生六者慈力七者隨順法忍八者甚深法忍九者廣大勝忍十者破無明暗是爲十善男子菩薩行精進波羅蜜以十法爲首一者隨諸衆生所作而作二者身口意業常生隨喜三者無懈怠四者務進趣五者修正勤六者修念處七者破煩惱怨八者觀察諸法九者成熟一切衆生十者求一切智是爲十善男子菩薩行禪波羅蜜以十法爲首一者安住善法二者心緣一境三者緣境等至四者正定五者禪解脫六者定根七者定力八者壞煩惱怨九者定聚圓滿十者護法三昧是爲十善男子菩薩行般若波羅蜜以七法爲首一者善觀察諸陰二者善觀察界處三者正見四者正念五者了知聖諦六者捨離諸見七者慧根八者無生法忍九者慧力十者無障礙智是爲十善男子菩薩行

方便波羅蜜以十法爲首一者入諸衆生心行欲樂
二者以力加諸衆生三者大慈大悲四者成熟衆生
而無厭倦五者捨離聲聞辟支佛地六者殊勝智見
七者修習諸波羅蜜八者如實觀諸法九者攝不思
議力十者不退轉地是爲十善男子菩薩行力波羅
蜜以十法爲首一者知一切衆生心行稠林二者知
一切衆生煩惱行稠林三者知一切衆生意樂勝解
行稠林四者知一切衆生根行稠林五者知一切衆
生種種界行稠林六者知一切衆生隨煩惱行稠林
七者知一切衆生死生行稠林八者知一切衆生三
世業報行稠林九者知一切衆生習氣煩惱行稠林
十者以無疲倦心成熟衆生諸根行稠林是爲十善
男子菩薩行願波羅蜜以十法爲首一者知一切法
無生二者知一切法無相三者知一切法無滅四者
知一切法無所有五者於一切法無執著六者知一
切法無來七者知一切法無去八者知一切法無自
性九者知一切法無初中後平等十者於一切法初
中後無分別是爲十善男子菩薩行智波羅蜜以十
法爲首一者於一切法善能了知決擇二者善能圓
滿白法三者積集菩薩無量資糧四者成就廣大福

智資糧五者大悲圓滿六者入種種差別世界七者入一切衆生諸煩惱行八者作意入如來境界九者趣入十力無畏不共佛法殊勝境界十者受灌頂位成就一切智最勝之相是爲十善男子是爲諸菩薩摩訶薩行十波羅密皆以十法爲首復次善男子云何爲波羅蜜義所謂明示超過一切聲聞獨覺所行故廣大圓滿如來智故於有爲無爲不執著故如實了知生死過故諸未覺者悉令覺故得如來無盡法藏故得無礙解脫故以布施度脫諸衆生故以持戒圓滿本誓願故以忍辱具足端嚴相故以精進究竟諸佛法故以禪定出生四無量故以般若滅除諸煩惱故以方便積集諸佛法故以願能令佛法圓滿故以力能令衆生淨信故以智具足如來一切智故得無生法忍故得不退轉地故淨治佛刹故成熟衆生故於菩提道場圓滿一切如來智故降伏衆魔故遊四神足故於生死涅槃俱無住故超過一切聲聞獨覺菩薩功德故摧伏一切諸異論故成就十力四無所畏不共佛法故證得無上正等覺故轉十二種法輪故如是一切是波羅蜜義復次善男子菩薩摩訶薩將住初歡喜地先有是相見三千大千世界中所

有百千億那由他衆寶伏藏菩薩將住第二離垢地
先有是相見三千大千世界地平如掌無量百千億
那由他衆寶蓮華清淨嚴飾菩薩將住第三明地先
有是相見於自身被甲持仗勇猛堅固摧伏怨敵菩
薩將住第四焰地先有是相見四方風吹種種名華
布散於地菩薩將住第五難勝地先有是相見於女
人首戴阿提目多華鬘婆利師迦華鬘瞻蓄迦華鬘
身佩種種衆莊嚴具菩薩將住第六現前地先有是
相見於華池八功德水澄淨盈滿底布金沙寶階四
道又於池中有優鉢羅華波頭摩華俱勿頭華復見
分陁利華而爲莊嚴復見自身於中遊戲菩薩將住
第七遠行地先有是相見於自身左右兩邊皆有地
獄從彼超過無所傷害菩薩將住第八不動地先有
是相見自身兩肩被師子王相一切諸獸悉皆怖畏
菩薩將住第九善慧地先有是相見於自身爲轉輪
王以正法教化爲無量百千億那由他諸王之所圍
遶種種寶嚴鮮白之蓋蓋菩薩上菩薩將住第十法
雲地先有是相見於自身爲真金色具足如來三十
二種大丈夫相圓光一尋安處高廣師子之座無量
百千億那由他梵天前後圍遶恭敬供養而聽說法

善男子菩薩摩訶薩以三昧力顯現如是十地先相
復次善男子初地菩薩圓滿施波羅蜜二地菩薩圓
滿戒波羅蜜三地菩薩圓滿忍波羅蜜四地菩薩圓
滿精進波羅蜜五地菩薩圓滿禪波羅蜜六地菩薩
圓滿般若波羅蜜七地菩薩圓滿方便波羅蜜八地
菩薩圓滿力波羅蜜九地菩薩圓滿願波羅蜜十地
菩薩圓滿智波羅蜜復次善男子菩薩初發心得現
寶三昧第二發心得善住三昧第三發心得不動三
昧第四發心得不退轉三昧第五發心得寶華三昧
第六發心得日輪光明三昧第七發心得成就一切
義三昧第八發心得智炬三昧第九發心得現證佛
法三昧第十發心得首楞嚴三昧復次善男子菩薩
於初地中得殊勝加持陀羅尼第二地中得無能勝
陀羅尼第三地中得善住陀羅尼第四地中得不可
壞陀羅尼第五地中得無垢陀羅尼第六地中得智
輪燈陀羅尼第七地中得殊勝行陀羅尼第八地中
得清淨分別陀羅尼第九地中得示現無邊法門陀
羅尼第十地中得無盡法藏陀羅尼爾時會中有一
天子名無礙光明師子幢從坐而起偏袒右肩右膝
著地合掌向佛白佛言希有世尊希有善逝如是法

門甚深廣大而能含攝一切佛法於是佛告無礙光明師子幢言如是如是如汝所說善男子若有菩薩於此法門暫能聽受必不退轉阿耨多羅三藐三菩提何以故彼善男子善女人曾種諸善根故成熟諸善根故得聞如是經典爲是經典之所印故善男子若有男子女人聞此經典所種善根悉皆清淨當得不捨離見佛聞法供養衆僧成熟衆生得不捨離海印陀羅尼得不捨離出現無盡陀羅尼得不捨離入衆生欲樂心行陀羅尼得不捨離清淨日光幢陀羅尼得不捨離無垢月光幢陀羅尼得不捨離息一切結陀羅尼得不捨離摧滅無邊堅如金剛山煩惱陀羅尼得不捨離入平等法性言說陀羅尼得不捨離入真實語言音聲陀羅尼得不捨離如虛空顯現無邊清淨印所印陀羅尼得不捨離成就顯現無邊佛身陀羅尼善男子若菩薩成就如是諸陀羅尼能於十方一切刹土變現佛身教化衆生然於法性而無來去亦復無有教化衆生於所說法不著文字平等無動雖現身生滅而無起滅亦無少法有去來者了知諸行本來寂靜安住佛法何以故彼一切諸法無分別故說是法時衆中三萬菩薩得無生法忍無量

菩薩於阿耨多羅三藐三菩提獲不退轉無量衆生
發菩提心無量比丘得法眼淨佛說此經已無盡慧
菩薩及諸比丘世間天人阿修羅乾闥婆等皆大歡
喜信受奉行

文殊說般若會第四十六之一

梁三藏曼陀羅仙譯

如是我聞一時佛在舍衛國祇樹給孤獨園與大比
丘僧滿足千人菩薩摩訶薩十千人俱以大莊嚴而
自莊嚴皆悉已住不退轉地其名曰彌勒菩薩文殊
師利菩薩無礙辯菩薩不捨誓菩薩與如是等大菩
薩俱文殊師利童真菩薩摩訶薩明相現時從其住
處來詣佛所在外而立爾時尊者舍利弗富樓那彌
多羅尼子大目犍連摩訶迦葉摩訶迦旃延摩訶拘
繩羅如是等諸大聲聞各從住處俱詣佛所在外而
立佛知衆會皆悉集已爾時如來從住處出敷座而
坐告舍利弗汝今何故於晨朝時在門外立舍利弗
白佛言世尊文殊師利童真菩薩先已至此住門外
立我實於後晚來到耳爾時世尊問文殊師利汝實
先來到此住處欲見如來耶文殊師利卽白佛言如
是世尊我實來此欲見如來何以故我樂正觀利益

衆生我觀如來如如相不異相不動相不作相無生
相無滅相不有相不無相不在方不離方非三世非
不三世非二相非不二相非垢相非淨相以如是等
正觀如來利益衆生佛告文殊師利若能如是見於
如來心無所取亦無不取非積聚非不積聚爾時舍
利弗語文殊師利言若能如是如汝所說見如來者
甚爲希有爲一切衆生故見於如來而心不取衆生
之相化一切衆生向於涅槃而亦不取向於涅槃相
爲一切衆生發大莊嚴而心不見莊嚴之相爾時文
殊師利童真菩薩摩訶薩語舍利弗言如是如是如
汝所說雖爲一切衆生發大莊嚴心恒不見有衆生
相爲一切衆生發大莊嚴而衆生界亦不增不減假
使一佛住世若一劫若過一劫如此一佛世界復有
無量無邊恒河沙諸佛如是一一佛若一劫若過一
劫晝夜說法心不暫息各度於無量恒河沙衆生
皆入涅槃而衆生界亦不增不減乃至十方諸佛世
界亦復如是一一諸佛說法教化各度無量恒河沙
衆生皆入涅槃於衆生界亦不增不減何以故衆生
定相不可得故是故衆生界不增不減舍利弗復語
文殊師利言若衆生界不增不減何以故菩薩爲諸

衆生求阿耨多羅三藐三菩提常行說法文殊師利
白佛言若諸衆生悉空相者亦無菩薩求阿耨多羅
三藐三菩提亦無衆生而爲說法何以故我說法中
無有一法當可得故爾時佛告文殊師利若無衆生
云何說有衆生及衆生界文殊師利言衆生界相如
諸佛界又問衆生界者是有量耶答曰衆生界量如
佛界量又問衆生界量有處所不答曰衆生界量不
可思議又問衆生界相爲有住不答曰衆生無住猶
如空住佛告文殊師利如是修般若波羅蜜時當云
何住般若波羅蜜文殊師利言以不住法爲住般若
波羅蜜佛復問文殊師利云何不住法名住般若波
羅蜜文殊師利言以無住相卽住般若波羅蜜佛復
告文殊師利如是住般若波羅蜜時是諸善根云何
增長云何損減文殊師利言若能如是住般若波羅
蜜於諸善根無增無減於一切法亦無增無減是般
若波羅蜜性相亦無增無減世尊如是修般若波羅
蜜則不捨凡夫法亦不取賢聖法何以故般若波羅
蜜不見有法可取可捨如是修般若波羅蜜亦不見
涅槃可樂生滅可厭何以故不見生滅況復狀離不
見涅槃何況樂著如是修般若波羅蜜不見垢惱可

捨亦不見功德可取於一切法心無增減何以故不見法界有增減故世尊若能如是是名修般若波羅蜜世尊不見諸法有生有滅是修般若波羅蜜世尊不見諸法有增有減是修般若波羅蜜世尊心無希取不見法相有可取者是修般若波羅蜜世尊不見好醜不生高下不作取捨何以故法無好醜離諸相故法無高下等法性故法無取捨住實際故是修般若波羅蜜佛告文殊師利是諸佛法得不勝乎文殊師利言我不見諸法有勝如相如來自覺一切法空是可證知佛告文殊師利如是如是如來正覺自證空法文殊師利白佛言世尊是空法中當有勝如而可得耶佛言善哉善哉文殊師利如汝所說是真法乎謂文殊師利言阿耨多羅是名佛法文殊師利言如佛所說阿耨多羅是名佛法何以故無法可得名阿耨多羅文殊師利言如是修般若波羅蜜不名法器非化凡夫法亦非佛法非增長法是修般若波羅蜜復次世尊修般若波羅蜜時不見有法可分別思惟佛告文殊師利汝於佛法不思惟耶文殊師利言不也世尊如我思惟不見佛法亦不可分別是凡夫法是聲聞法是辟支佛法如是名爲無上佛法復次

修般若波羅蜜時不見凡夫相不見佛法相不見諸法有決定相是爲修般若波羅蜜復次修般若波羅蜜時不見欲界不見色界不見無色界不見寂滅界何以故不見有法是盡滅相是修般若波羅蜜復次修般若波羅蜜時不言見作恩者不見報恩者思惟二相心無分別是修般若波羅蜜復次修般若波羅蜜時不見般若波羅蜜復次修般若波羅蜜時不見般若波羅蜜復次修般若波羅蜜時不見是佛法可捨是修般若波羅蜜復次修般若波羅蜜時不見凡夫法可滅亦不見佛法可取不見是凡夫法可捨是修般若波羅蜜復次修般若波羅蜜佛告文殊師利善哉法而心證知是修般若波羅蜜佛告文殊師利善哉善哉汝能如是善說甚深般若波羅蜜相是諸菩薩摩訶薩所學法印乃至聲聞緣覺學無學人亦當不離是印而修道果佛告文殊師利若人得聞是法不驚不畏者不從千佛所種諸善根乃至百千萬億佛所久殖德本乃能於是甚深般若波羅蜜不驚不怖文殊師利白佛言世尊我今更說般若波羅蜜義佛言便說世尊修般若波羅蜜時不見法是應住是不應住亦不見境界可取捨相何以故如諸如來不見一切法境界相故乃至不見諸佛境界況取聲聞緣覺凡夫境界不取思議相亦不取不思議相不見諸

01234567892012345678921

法有若干相自證空法不可思議如是菩薩摩訶薩
 皆已供養無量百千萬億諸佛種諸善根乃能於是
 莫深般若波羅蜜不驚不怖復次修行般若波羅蜜
 時不見縛不見解而於凡夫乃至三乘不見差別相
 是修般若波羅蜜佛告文殊師利汝已供養幾所諸
 佛文殊師利言我及諸佛如幻化相不見供養及與
 受者佛告文殊師利汝今可不住佛乘耶文殊師利
 言如我思惟不見一法云何當得住於佛乘佛言文
 殊師利汝不得佛乘乎文殊師利言如佛乘者但有
 名字非可得亦不可見我云何得佛言文殊師利汝
 得無礙智乎文殊師利言我卽無礙云何以無礙而
 得無礙佛言汝坐道場乎文殊師利言一切如來不
 坐道場我今云何獨坐道場何以故現見諸法住實
 際故佛言云何名實際文殊師利言身見等是實際
 佛言云何身見是實際文殊師利言身見如相非實
 非不實不來不去亦身非身是名實際舍利弗白佛
 言世尊若於斯義諦了決定是名菩薩摩訶薩何以
 故能聞如是甚深般若波羅蜜相心不驚不怖不沒
 不悔彌勒菩薩白佛言世尊得聞如是般若波羅蜜
 具足法相是卽近於佛坐何以故如來現覺此法相

故文殊師利白佛言世尊得聞甚深般若波羅蜜能不驚不怖不沒不悔當知此人卽是見佛爾時復有無相優婆夷白佛言世尊凡夫法聲聞法辟支佛法是諸法皆無相是故於所從聞般若波羅蜜皆不驚不怖不沒不悔何以故一切諸法本無相故佛告舍利弗善男子善女人若聞如是甚深般若波羅蜜心得決定不驚不怖不沒不悔當知是人卽住不退轉地若人聞是甚深般若波羅蜜不驚不怖信樂聽受歡欣不厭是卽具足檀波羅蜜尸波羅蜜羼提波羅蜜毘梨耶波羅蜜禪波羅蜜般若波羅蜜亦能爲他顯示分別如說修行佛告文殊師利汝觀何義爲得阿耨多羅三藐三菩提住阿耨多羅三藐三菩提文殊師利言我無得阿耨多羅三藐三菩提我不住佛乘云何當得阿耨多羅三藐三菩提如我所說卽菩提相佛讚文殊師利言善哉善哉汝能於是甚深法中巧說斯義汝於先佛久種善根以無相法淨修梵行文殊師利言若見有相則言無相我今不見有相亦不見無相云何而言以無相法淨修梵行佛告文殊師利汝見聲聞戒耶答曰見佛言汝云何見文殊師利言我不作凡夫見不作聖人見不作學見

1 2 3 4 5 6 7 8 9 20 1 2 3 4 5 6 7 8 9 20

不作無學見不作大見不作小見不作調伏見不作
不調伏見非見非不見舍利弗語文殊師利言汝今
如是觀聲聞乘若觀佛乘當復云何文殊師利言不
見菩薩法不見修行菩提及證菩提者舍利弗語文
殊師利言云何名佛云何觀佛文殊師利言云何爲
我舍利弗言我者但有名字名字相空文殊師利言
如是如是如我但有名字佛亦但有名字名字相空
卽是菩提不以名字而求菩提菩提之相無言無說
何以故言說菩提二俱空故復次舍利弗汝問云何
名佛云何觀佛者不生不滅不來不去非名非相是

名爲佛如白觀身實相觀佛亦然唯有智者乃能知
耳是名觀佛

大寶積經卷第一百一十五



津原州比丘性經 性華 寛江 祖燈 祖傳 明月 直遠 慶慧 佛經 豐念 明
海 明增 明進 圓泰 明薰 道鑑 衆信楊福室張氏男仲登室孫氏 張世麟室馬氏
氏男張湖室孫氏張海室辛氏共施賈刻此 大寶積經第一百一十五卷 銀州沙彌性淨對
儀真懸黃國英書 漢水圖經卷刻萬曆乙未仲冬徑山興聖萬善禪寺識

0 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

大寶鏡卷一百一十五

香齋歌吹白題良賞古蹟新衣然翠本旨詩文

二ノ廿三